


現代方尺牘大全

版再年九十國民



用適界各

全大牘尺類分代現

版出局書益廣海上



現代分類尺牘大全

▲▲農工界

▲▲農業概要

△家書述告農業學校之詳情

某兄如晤。頃奉

手示。欣悉

庭闈康健。闔家均安。至以爲慰。弟自上月入校以來。每日必須按時至試驗場。實地練習農事。該試驗場約有五、十餘畝。以荳、棉、稻三種爲主要。種植物分教師種植區。

學生種植區。場中止有農夫七八人。以任雜作。其餘各種農事。均由學生實習。校中於作物書、產病書、肥料、園藝等項。亦均注重於教室之作業。各有成績。據說放暑假時。尚留學生半數在校。一律農衣農褲。短袖赤足。入田練習一切工作。概與農人無異。弟平日習慣農事。不但易見成績。而且較可耐勞。諸祈放懷。是禱。手此敬請。

侍安。

弟某某謹啓

月

日

△覆言舊農國變爲新農國之希望

某弟如握。昨晚由某某交到

手書知吾

弟近日在校。實習農業學科。頗增進步。甚慰甚慰。惟來函輒言中國爲舊農國。似有自視鄙薄之意。兄竊爲不取。蓋我國爲全球唯一之大陸地。農業開化最早。故至今猶號稱農務國。其實人工代價之廉。勞動能力之強。有非他國所可及者。誠能拓殖邊荒。改善蠶桑。精究棉植。廣造森林。力籌漁牧。舉全國而一致。銳進則指日富強。不難使舊農國一變而爲新農國。惟此之希望。仍屬諸汝等之農校學生也。尙希吾

弟力自勉之。是幸。專此順問。

近佳。

某某手啓 月 日

△請代徵求蟲菌以爲禾穀除害之研究

某某先生大鑒。逕啓者。蟲災菌病。爲禍最烈。歐美各國。因之。歲損金錢。以億兆計。彼土科學發達。防患之方。講求周備。受患之鉅。尙致如此。我國農界智識淺薄。防患無術。每歲所受蟲菌之損失。當更無量。數可言。敝校同人。慙焉。憫之。用特研究禾穀上一切蟲菌。以籌驅除之方法。敢乞

執事力爲贊成。將

貫地爲害之蟲或菌。及所害之植物。包封附以一信。

詳細說明其爲害情形。交郵寄下。至者盼禱。想
執事素稱賢勞於社會。當不以瑣瀆見却也。專此奉託。敬

頌

台祺。

某某謹啓

月

日

△函請接待查勘水利之技士

某某仁兄閣下。久未得

書。良殷企念。比維

興居晉吉。

潭第咸綏。爲頌爲慰。茲啓者。慎重水利。爲農田之必要。我
鄉重要河流淤塞過半。若不及時興修。早潦無備於農。

業前途關係至鉅。現值春水未漲。淺灘灣曲。易於察勘。弟特請水利委員會。着派技士某君。前往我鄉。測量查勘。以爲施工之張本。倘某技士到時。務望

閣下優禮接待。并祈

贊同辦理。是所至禱。專此奉託。卽請

台安。

某某謹啓

月

日

△與友言勞農之真詮

某某仁見閣下。昨奉

手函。承

示我鄉農民協會之現象。恐不免積非成是。傳播惡化於

地。方。蓋。勞。農。兩。字。自。有。真。詮。農。而。能。盡。其。力。者。爲。勞。勞。而。自。食。其。力。者。爲。農。天。職。有。當。然。範。圍。有。一。定。非。可。於。個。人。分。外。而。妄。肆。其。慾。望。者。否。則。聯。勞。工。以。喧。傳。稱。爲。勞。乃。思。不。勞。而。有。獲。結。農。團。以。運。動。名。爲。農。乃。欲。不。農。而。他。圖。勢。必。造。共。產。之。禍。而。煽。赤。化。之。毒。我。鄉。且。從。此。流。血。不。可。聞。問。矣。吾。

兄素稱明達。尙希

注意爲幸。專此卽頌

台祉。

某某謹啓

月

日

△與友言破天荒之改良畜牧

某某仁兄閣下。闊別

光儀。良殷馳系辰維。

起居迪吉。至爲頌慰。弟在此擔任某某農業學校職務。尙稱平妥。惟地方風氣未開。一般農界對於牧養功用。仍多漠視。現在第三種畜牧試驗場業已設立。場長某君。以提倡畜牧開闢利源爲己任。特從西洋購來哈利佛種牛。美利奴種羊。一面由該場試驗中外牛羊交配。改良滋生種畜。以備將來各地購買。一面預備附近鄉民有養牛羊者。可將牛羊逕送該場。與外國牛羊交配。改良成一種最好之牲畜。此等增加土產方法。眞可謂破。

天荒之事業也。我鄉畜牧試驗場。上年曾聞有創辦之說。目下是否成立。尙希吾

兄便中

詳示情形是禱。專此順請

近安。

某某謹啓

月

日

△函述棉業之成績并寄棉種

某某仁兄閣下。昨由郵局送到某日

惠書承

囑索取南通棉種。具見

閣下增進土產。開闢利源之盛意。至爲忻忭。現今我國之

農界除蠶桑外。尚有植棉一項。出產豐富。足與各國相競爭。故南通張謇公。盡十餘年之心力。研究棉業。其成績。遂愈演而愈優。其利益。乃日擴而日溥。所備棉種。具有說明書。名目雖夥。類別甚詳。前茲曾託友人。索得其最佳者五六種。今特分出一半。包封奇呈。至祈查收爲盼。手此順頌。

台祉。

某某謹啓

月

日

△函告養蠶模範場之計畫

某某仁兄閣下。握別以來。雖函札往還。終以不得面承。教益爲悵。比驗。

履候安和。

公私順利。爲頌爲慰。茲啓者。弟現由縣署委辦養蠶場事。深恐無米爲炊。必多棘手。乃查有某鄉某君某某。講究蠶桑利益。業已多年。舊栽桑樹。不下百餘萬株。壅植剪裁。頗著功效。並有完善養蠶房屋。器具俱全。歷年養蠶。尙稱得法。弟因與某君協商辦法。卽假其原有場所。爲我邑模範之地。各事均已就緒。惟開辦伊始。仍宜取法改良。聞

貴處素精蠶桑事務。乞

閣下調取各種成績。可資研究者。交郵寄下。俾得藉以講

求。無。任。感。荷。專。此。奉。懇。即。請

台安。

某某謹啓

月

日

△函商整頓蠶桑之要略

某某仁兄閣下久違

教益時切懷思比維

興居健勝爲頌。茲因我鄉蠶桑日就頹衰。將有一落千丈之勢。弟現擬補救方法。大要有三。一曰繭種不良。宜改換各蠶桑學校所收繭種。成效卓著者。凡有一切劣種。概不得留養。以免害羣。二曰留心飼養。現在各家養蠶。貪多。既。苦。人。工。之。不。敷。而。桑。葉。缺。乏。食。不。依。時。故。繭。多。

薄劣。此等習慣。亟宜誠除。三日改換桑樹。蠶恃桑葉爲肥養料。多年桑樹葉薄。且小肥料不足。必須剷除。已荒之老葉。爲必要。上列各端。倘

執事許爲同意。希卽招集地方各代表。協議進行。是所至禱。專此卽請

近安。

某某謹啓

月

日

△函述植樹典禮之盛況

某某仁兄惠鑒。日昨

台從枉顧。失迓爲罪。因弟適往造林場。觀植樹典禮也。弟始至該場時。審視其籌備之苗圃。畫分之林區。搜羅之

木本誠爲前茲所未見。已而政學紳商軍警各界相繼齊至。遂分定地段。各植紀念樹。并由某君作露天演說。謂植樹可以增進歲入。調和旱澇。補助衛生。點綴風景。且喻言民國成立如樹之既植。必期其發榮滋長。日益蓬勃。云云。一時觀禮者拍掌之聲。震動林場。弟此行頗覺有特別之樂趣。用特述告大略。以當面談。專此卽頌

台社。

某某謹啓

月 日

△函詢造林之植品

某某仁兄閣下。久不晤談。想

動定安佳爲慰。茲啓者。弟上年購置某處之山地。約有三

百餘畝。現擬及時造林。以圖利益。惟木植中如松如杉如柏如竹如茶。以及各種菓品。名目甚繁。究以何者爲最宜。一時無從別擇。因思

閣下素嫻林業。經驗足資務乞

詳明指示。以便遵行。倘荷

台駕惠臨。偕往實勘。尤所幸感。專此布意。敬請

近安。

某某謹啓

月 日

△覆言墾殖滿蒙之利益

某某仁兄閣下。昨辱

手書。奉悉墾殖滿蒙之事。現已組織進行。甚善甚善。弟上

年調查其地。所行之農業制度。計有分益租田、自耕三種。既耕地中。以採分益制度者爲最多。約十分之六。租田制度。十分之三。自耕制度最少。約十分之一。其中分益制度。則地主須供給必要品於農夫。租田制度。則一切均田農夫擔任之。總之。滿蒙土地之經營利益至多地價之低廉。一也。未耕地甚多。二也。收益之豐厚。三也。

承

示惠給股份若干。謹當遵

命。一俟繳款。再行晤談。專此奉復。敬頌

台祉。

某某謹啓

月

日

△致友論殖業改進之方法

某某仁兄惠鑒。昨奉

手教。論及現今農界退化之現狀。至可慨歎。然弟謂此事有不能盡責之農界者。蓋中國農業。夙稱發達。相土辨種之法。林衡畜牧之規。散見古書。班班可考。降及今茲。農智日涇。習守故常。鮮知改進。雖政府鑒於殖業之寢衰。生產之奇絀。亟亟勸誘。人民應用新法。而農業。林業。棉業。各種。仍無良善之成績。可言。究厥原因。實由良法未盡周知。成效未經目睹之故。此時欲使農界銳意進行。仍不外由各地各校學生。實習農業。俾得併力協助。

一。致。專。營。或。可。廣。農。學。傳。習。之。途。而。易。收。農。事。進。益。之。效。也。愚。見。如。此。

執事以爲然否。此復敬頌

台祉。

某某謹啓

月

日

△函詢振興漁業之辦法

某某仁兄閣下。日昨報載政府對於振興漁業之問題。已擬

借重

執事主辦一切。從事革新。下風遯聽。快慰無任。吾國海線。南至瓊粵。北極遼渤。綿互幾及萬里。海產夥蹟。加以江湖河港。源流歧錯。淡水生物。尤稱繁富。通商以後。沿海

各省水產品。尙有販運出口。乃年來漁業日衰。不但輸出漸減。而吾國民魚食之品。且多仰給於外貨。言之誠足滋戚。今得

執事主任漁業全權之職務。不久定有成績可觀。惟現應設計之各種事項。尙祈

公餘賜示概要。是盼。專此奉陳。敬頌

台祉。

某某謹啓 月 日

△函贈洋靛種子

某某仁兄台鑒。日昨接奉

來書。承

詢洋靛與本靛之比較。舉其異點。約有三項。本靛並無子種。每屆收割時。須先留根莖。作爲下年之種。而收藏頗屬不易。洋靛則有子可收。收藏既便。播種亦易。此優點一。種植本靛。必須極肥之土。方易滋長。且施用肥料。必須荳餅等物。工本頗鉅。洋靛卽播種於礮瘠之地。亦能茂盛。此優點二。釀製本靛。須先築極大之靛池。且製煉時手續頗繁。時日尤多。洋靛則自收割後。約三四日。卽得製成完全之靛青。此優點三。至若釀製合法。其顏色之鮮豔。較本靛尤高出數倍。價格亦較爲昂貴也。茲特附寄洋靛種子一盒。至祈

檢收爲荷。專此敬頌

台祉。

某某謹啓

月 日

△函論農村之自治法

某某仁兄閣下。闊別多時。惟日以

台候勝常。爲頌無量。一昨某君來談。始悉

閣下現正改造農村。營經自治。聞之不勝欽佩。蓋中國農村之歷史。與自然生活相演而成。苟以法治運用而訓練之。則凡興利除害。養老卹孤。禁暴詰奸。興仁講讓。與夫初級教育。公衆衛生。均可由農村自辦。而實見其功。

效。弟早已注意及此。惜無同志相與贊成。祈尙
賜示南針。俾資則例。幸甚幸甚。專此敬請

台安

某某謹啓

月 日

△函索各色菜種

某某仁兄閣下。久未函候。惟

履福多宜。至爲頌慰。茲啓者。弟現將屋後荒地畝許。闢爲
蔬圃。以供農家不時之需。惟地方雖已無遺。而佳種實
爲難得。因憶前見

兄處東畦。備有長柄寒匏。連珠細菌之各品。倘荷
分惠。

賜以各色種子。俾得按時而佈種之。庶幾開軒場圃。不斷生機。遠市盤殮。得有兼味。蓋不僅作一幅畫圖觀也。專此奉懇敬請。

台安。

某某謹啓

月

日

△工業概要

△家報言勞工爲社會上生利之人

某兄如見。握別以來。無時不念遙想。

嚴慈以次。一是康甯爲祝。昨日某某自鄉間來。述及吾

兄常以弟在外充任職工爲苦。殊不知弟甚以爲樂也。何

則。我。人。當。此。青。年。時。代。能。擅。有。專。門。工。藝。則。爲。社。會。上。生。利。之。人。不。但。衣。食。住。行。四。項。均。足。取。資。於。工。業。而。無。慮。且。技。能。力。求。其。精。良。智。識。日。進。於。優。美。既。可。作。爲。獨。立。之。恆。產。更。可。博。得。優。異。之。資。金。蓋。雖。曰。區。區。一。工。人。其。前。途。之。希。望。實。有。未。可。限。量。者。弟。一。念。及。此。正。覺。樂。而。不。疲。更。何。苦。之。足。云。尙。望。吾。

兄格外放懷是禱專此敬請

侍安。

某某謹啓

月

日

△函告工黨之主旨

某某仁兄惠鑒。昨奉

手教辱荷

注存無任感愧。弟近投身工黨。擬爲全國工界聯絡感情。并爲各個勞動者。謀自身之活務。動使全國工業一律平等。痛革賤工之積習。促進物質之文明。將來達到目的。非特資家受其益。卽國家之平治富強亦胥於是。賴想吾

兄素抱民生主義。對於此舉。諒有同情。用特附呈本黨章程百份。乞卽代爲傳佈爲禱。專此敬頌

台祉。

某某謹啓

月 日

△與友言工業爲民生之要素

某某仁兄台鑒。昨晤某君某某述及吾

兄現方研求工業專門之效用。甚善甚善。弟嘗謂工業爲
民生之要素。必須得多數優秀份子提倡而誘導之。始
可冀國民生計前途一放其光彩。况歷年以來。各國機
製品之輸入增多。工界已大受影響。不及此時。力圖補
救。恐社會事業日益彫敝。而未來之險象。將不可勝言。

今吾

兄竭精殫慮。講究工科。想對於民生問題。必有
見解獨到者。尙望便中

賜以教言爲盼。專此布意。敬頌

台祉。

某某謹啓

月 日

△覆述機械工藝與化學工藝之意義

某某仁兄大鑒。奉

示敬悉。承

詢機械工藝與化學工藝之意義。今略言之。蓋由天然原料或人工原料之形性變化。造成有用之物體。而爲營利的事業者。曰製造工業。製造工業有單自機械作用而成者。例如以鉛塊作鉛管。鐵板造汽罐。纖維之製絲。絲之爲織物等。皆從物理學原理演成。材料之組織及

變。形。是。曰。機。械。工。藝。其。專。依。化。學。方。法。變。化。其。原。料。之。性。質。或。精。製。之。而。爲。有。價。值。之。物。者。例。如。鋅。之。爲。養。化。鋅。硫。黃。之。爲。硫。酸。煤。黑。油。之。製。色。素。油。脂。之。作。肥。皂。小。粉。之。爲。糖。爲。酒。等。皆。基。於。化。學。原。理。者。也。是。曰。化。學。工。藝。弟。之。所。知。者。如。此。尙。希。

另質高明是幸專此奉復即頌

台祉。

某某謹啓

月

日

△函告工校自設工廠以實習職業

某某先生惠鑒頃奉

台教詢及敝校之情狀感甚現在敝校已遵章改組自設

工廠。其設備布置。一照普通工廠辦理。除通習科目及必須在教室內講授之學科外。卽就工場施教。實地工作。以資練習。其金、工、木、工、染、織、密、業、漆、工、籐、竹、諸科所製貨品。則須體察地方情形。期以適用。力求改良。製成之品。卽由本校售賣。除開支原料品具雜費外。所有餘利。亦照普通工廠之例。以一部分作爲職員職工紅利。或獎勵。其餘卽爲本校擴充設備之用。如此實事求是。俾學生可以養成實地工作。及營業之經驗。而工校作業。試驗亦不至徒歸消耗也。此復順頌。

台祉。

某某謹啓

月 日

△致友勸其勿因工潮而顧慮

某某仁兄閣下久隔

台暉。無任渴念。比維

履祺迪吉。

籌祉延庥。良如所頌。昨聞

閣下因工潮可慮。已有停止進行之主張。鄙意殊不贊同。

緣當初創設某廠諸同志。實面具兩大主旨。一則對外。爲列強之經濟侵略。必須促進工業。以抵制一則對內。爲貧民之生計困難。必須推廣工場。以救濟故。就開辦某廠之原因而言。並非其他之投資圖利者可比。卽勞

工。一。方。亦。當。知。此。中。直。相。不。致。附。和。妄。動。而。入。於。自。殺。
之。一。途。尚。希。

寬懷辦理。勿多顧慮爲盼。專此布意。卽請

台安。

某某謹啓 月 日

△函答舉辦各種小工業之必要

某某先生大鑒。頃奉

教言。謂吾國徒有人工與原料。而術技資本。二者皆缺。實
爲最大之難端。誠是誠是。雖然。工業與技術相輔而進。
未有工業不盛。而能多出工業人材者。至於資金缺乏
問題。係指大企業而言。若吾國所尤急者。在舉辦各種

小工業與舊有之工業改良而擴充之。以其易舉人且易普遍也。俟小工業漸盛。人材亦漸多。使工業常識普及於社會。一般人對於各種工業之緩急與其利益之大小。皆能知其崖略。斯富有資金者將皆出其窖藏。投之實業。則利大而關係重要之大企業。自能順勢而興。舉及之如此。按步進行。猶慮技術資本之缺乏。某殊不信矣。專此奉復。敬頌

台祺。

某某謹啓

月

日

△函言工戰時代當多立工業專門學校

某某先生閣下久別

光儀曷勝渴企比想

動定清娛

公私順利。至以爲頌。某自上年經營實業以來。尙幸獲有
進步。惟念當此工戰時代。覘國勢者。每以工業學校之
多寡爲測定其國家貧富強弱之程度。乃我鄉素稱富
庶之區。并一工業專門學校而無之。豈非實業界之一
大憾事。因思

執事係我鄉之大企業家。久爲各界所推重。務乞
代表工界。倡設工業專門學校。以爲社會事業之先河。倘
蒙

許。有。同。情。某。當。力。效。奔。走。於。
左。右。也。專。此。布。達。敬。請。

台安。

某某謹啓

月

日

△函商限制原料輸出以供工業之需用

某某先生閣下。不親

雅度。忽已月餘。比稔

近。社。安。佳。至。爲。忻。頌。茲。啓。者。我。省。繭。絲。用。途。爲。勞。動。生。活。
所。依。賴。者。甚。廣。倘。若。聽。任。此。項。原。料。盡。數。輸。出。不。但。反。
爲。舶。來。品。之。媒。介。且。原。料。由。此。日。缺。製。造。品。由。此。日。少。
其。遏。絕。吾。國。工。人。之。生。計。者。爲。害。實。不。可。勝。言。緣。此。上。

懇

執事。速行開會提議。妥籌對付方法。以限制原料輸出。而供工業之需用。無任盼禱。專此祇頌。

台社。

某某謹啓

月 日

△與友言勞工運動之非是

某某仁兄閣下。久蔬通訊。企想良殷。近諗

興居。定增妥善。弟主任某廠工務。幸可餬口於一時。惟此間。工界動輒煽起風潮。藉口資方壓迫。勞方相率罷工。且爲示威之運動。其實資方被勞方所壓迫。其痛苦已不可勝言。苟長此以往。則勞資兩方勢必同歸於盡。尙

何。民。生。主。義。之。可。言。弟。亦。係。工。界。中。人。獨。爲。工。人。抱。悲。
觀。豈。敢。云。反。對。祇。好。付。之。一。歎。而。已。

貴處工業情形如何。甚爲念念。尙祈便中

賜示是盼。專此卽請

台安。

某某謹啓

月

日

△覆言機器替代勞工之後患

某某先生閣下。頃奉

手書。領悉一切。就諗

起居健勝。

潭第安嘉。慰如所頌。承

示購辦機器替代人工之方法。某亦曾設想及此。但爲目前抵制工潮計。改用機器。固可操勝算。乃一經審慮。則勞工因機器而斷絕生機。勢必流爲盜匪。擾亂地方。咨本家且先受其禍。況此刻勞工一方勢力正當膨漲。一旦對於制其死命之機器羣起而高呼打倒。更將無法以處之。某今決定主張此後與勞工概從讓步。至讓無可讓。祇得犧牲一切而已。專此奉覆。卽請

台安。

某某謹啓 月 日

△與友商酌工業調查會之辦法

某某仁兄閣下。別久思深。惟日以

台候增綏爲頌。茲啓者。弟現與此間大企業家某君某。商及發達工業一事。擬先由各省推選工業專門人員。組織調查會。就各該省天然利便之工業。分門別類。詳究辦法。擇其用資少而銷售易者。實用所必需者。爲最大之漏卮者。可以推銷外洋。爲吾國之利源者。按層次而舉辦。或可藉互相聯絡之資力。以見諸實行。倘荷執事贊成。務乞

惠賜教言是盼。專此敬請

大安。

某某謹啓

月

日

△函請任用工業專科畢業之留學生

某某先生賜鑒。上月趨謁

台端。暢聆

大教。具見

執事提倡工業。迫不容緩之熱忱。昨日某往某某工業學校。參觀一周。似該校教員程度。尙有名不副實之處。因思我國東西洋留學生。其學習工業而具有專門學問者。頗不乏人。擬請

搜羅此項人才。主持教席。使之本其所學。反哺宗邦。當可易收成效。而促進社會實業之步趨也。區區愚見。尙希採擇施行。是幸。專此奉陳。敬頌

台社。

某某謹啓

月

日

△函述工場自製機器較優於舶來品

某某仁兄閣下。久暌

台教。時切馳思。比維

履候勝常。

指揮如意。允符臆頌。弟自上年投入某某工場以來。體質較前健強。堪以告慰。

知交。現在該工場專製各式針織機器。成績昭著。甚爲各廠所推稱。近復悉心研究。銳意改良。發明一種自動襪機。並能製造衫褲。其機械之靈捷堅牢。出貨之精美緊。

密誠爲舶品所不及倘

貴處有需用此項機器者務乞

介紹採購以挽利權是所至禱專此奉託敬請

籌安

某某謹啓 月 日

△函懇調解工潮

某某先生賜鑒日前趨謁

台端恰值

公出未晤至以爲悵茲因敝廠自罷工迄今延未解決在
局外者或疑爲廠方之刁難其實廠方經屢次之犧牲
勢已瀕於破產此次勞方提出各條件事實上苟可答

允○當○然○磋○商○讓○步○以○免○無○謂○之○爭○持○因○思

執○事○德○望○崇○隆○社○會○一○致○信○仰○務○乞

鼎○力○秉○公○調○解○俾○得○協○商○而○彌○釁○端○則○受

賜○無○既○已○專○此○奉○懇○敬○頌

台○祉○

某某謹啓

月 日

△函答某某工場出品之優美

某某仁兄惠鑒。頃奉

來書。承

詢某某工場之出品。其內部大約分有六科。如紅藍紗科。

絲光科。織布科。染皮科。染色科等。紅藍紗經十餘年研

究已著成效。以前中國毛巾廠皆用外貨。自該工場出品後。人皆樂購。絲光線用化學製造。光澤如真。其織布一科更屬超羣。由其組織之機械製造之原料均選上等。製成美彩線呢。洋紗夕法等布。異常平勻。直駕舶品而上。至如染色之皮毛。尤能別出心裁。爲工藝所僅見。吾

兄倘需合式貨品。弟可代向該工場定購也。此覆敬頌
籌社。 某某謹啓 月 日

△與友籌辦人工製造品之企業

某某仁兄閣下。別來瞬將匝月。比想

動定咸宜。爲頌爲慰。某昨與某談君及我國印刷事業。近來日盛一日。故洋紙之需用愈多。而從前土產固有之紙貨。則因滯銷既久。產額日微。此項工業。且將見其消滅。於是洋紙一宗。遂爲我國最大之漏卮。爰擬定辦法。前往舊時出產紙貨之地方。組織宏大工場。招集舊業工人。將固有各種紙貨。改良而製造之。不但事半功倍。易成。僅有之企業。且可抵制舶品。挽回莫大之利權也。吾兄倘或有意於此。尙希賜以教言。是禱。專此敬請

近安。

某某謹啓

月

日

現代分類尺牘大全

▲▲女界

▲▲女子家庭類

親戚附

△稟祖母父報告到校情形

祖母父

大人尊前。敬稟者。孫女前日拜別登車。一路安好。傍晚即至某處。到時母舅已在車站等候。當即領至其家安住。次日即偕某姊。至某某學校考試。國文試短論一首。其外算學二題。歷史地理各一題。孫女獲取第二。某姊取第五。某日移入校中。孫女幸得前列。不勝惶愧。惟有

勉。力。求。學。以。副。

厚。期。而。已。尙。有。某。種。書。籍。亟。須。應。用。望。卽
寄。下。至。盼。至。盼。肅。此。敬。請

金安。

孫女某某敬稟

月 日

△稟母父報告在校安好

母父
親大人膝下。敬稟者。旬餘未奉

慈諭。深爲懸念。近想

福躬康健。適如下頌。女到校以來。瞬將匝月。諸事平善。堪
慰

廬垂校中各項功課。尙能領悟。而圖畫一科。尤爲教員所

稱賞謂風神秀麗筆意清高洵非同學所能及竊思女於此道素承

母親大人教授故於入學之初即得有成績今日之榮皆母親之賜也家中一切諒皆平安大哥有暇望時賜一信以慰遠系肅此敬請

福安。

女某某敬稟

△稟父陳述家中情形

父親大人膝下敬稟者。昨由某世叔交到

慈諭及家用銀元若干圓如數照收敬諭

大人在外尊體安康下懷甚慰日前

母親大人小有不適。旋即告痊。故未函稟。乞勿

遠念。女與弟妹。身體均好。照常入校。未嘗間斷。至星期放假。各自溫習功課之餘。女更從

母親學習針黹。不敢稍涉戲嬉。瞬屆夏令。店事想可較閒。

尚望。

大人回里一行。以慰孺慕之私也。專此稟復。敬請

福安。

女某某謹稟

月

日

△稟母因身病未能稟復之故

母親大人膝下。敬稟者。前接

賜諭。誦悉。壹是女因近來校中功課甚忙。且於某日忽然

抱病故未能稟復。至祈

慈宥。女病係偶爾受熱所致。神昏體倦。緣此輟課五日。尙幸趕速診治。服藥兩劑。頗易奏效。刻已就痊。大約明後日精神復元。即可上課。乞勿

塵念。是禱。日內

父親處曾有安信來家否。上星期日。某哥回家否。念念

肅此稟慰。敬請

康安。

女某某謹稟 月 日

△稟伯

母父

請令妹入學校

伯_{母父}大人膝下。敬稟者。違侍

慈須忽已匝月。近諗

玉體綏和。至以爲祝。姪女憶入校時。某妹亦欲偕來。當以道遠不便。且慮課程難合。是以中止。現今校中添設預備科。凡粗識文字者皆可插入。肄業一年。即可升入本科。至於一切規則。皆稱完善。故特仰懇

長者

許。妹來此一。以遂妹之素志。一以使姊妹相聚。私衷如此。是否有當。望乞

賜示。臨穎不勝依戀之至。專此肅稟。敬請

金安。

姪女某某敬稟

月

日

△稟叔母父賀得佳婦

叔母父大人慈鑒。違侍兩月。孺系實深。敬諭。

玉體康綏。百凡如意。曷勝抃頌。姪女於某日得某妹信。知

某哥與女字師範畢業生某女士。訂定婚約。聞之至

爲欣快。因上屆該校行畢業禮。姪女亦參來賓之列。曾

與某女士一面。不但親見其舉止端莊。且詢知品學兼

優。爲女界有數人物。今果同意結婚。一喜。

叔母父得佳婦一喜。某哥得賢內助。將來增進家庭幸福。

不卜可知矣。俟屆吉期。姪女定當趨賀。先此道喜。敬請

福安。
姪女某某上稟 月 日

△致兄託買習畫帖

某哥如見。匝月未通音問。惟日以

起居安適爲祝。妹入校至今。按日功課。不敢自懈。上負

一二親培植之苦心。第校中現注重圖畫一科。比前更爲認真。

妹所常用之習畫帖。或嫌太簡。或嫌過滯。皆不適用。昨

於同學處見一佳本。聞係某某書局新出之天然習畫

帖。乃就動植各物攝影製譜。心裁別出。神態如生。妹急

欲自備以資摩倣。務乞吾

哥代購寄下。至爲感禱。手此卽請

近安。

妹某某敬上

月 日

△致弟責其無久家書

某某賢弟如晤。兩月以來。未得吾

弟一字。猶以爲校課甚繁。無暇及此。乃昨讀

父親大人來諭。亦謂多日未見

弟函。甚爲懸念。夫校中課忙。固姊所深悉。然夜間無事。星期有暇。家書數行。當不至不能爲也。無函與姊。猶有可說。乃

堂上安稟。亦致缺乏。按諸情理。實非應爾。尙願吾

弟思之。勿謂妹言直率是幸。專此順頌。

學祉。

姊某某手書

月

日

△致姊詢問近狀

某姊安覽。握別以來。瞬經兩月。懷思之切。想同情也。比維

伉儷雙綏。

庭闈康泰。如頌爲慰。妹里居求學。進步略增。家中自一二

親以次。幸均健適。可紓

遠念。聞

姊丈改應某處某校之聘。不知校務較冗否。吾

姊於侍膳餘閒。尙能溫習舊業否。得暇尙望

詳示近狀。以上慰老人。倘能

歸甯有期。早圖家庭歡聚。此尤妹所翹盼也。專此敬請

近安

妹某某謹啓

月 日

△寄妹論書法

某某吾妹如見。別來匝月。馳念良深。昨接

手函。欣慰無似。吾

妹書法素佳。近益精進。秀麗均圓。深得鍾王神髓。甚佩甚

佩。惟

來函述及近頃拋棄一切。日以臨池爲事。卽以臨池爲樂。云云。愚見竊以爲不可。蓋書法爲國粹之一。又爲酬應所需。固當研求優美。然拋棄重要職業。惟此是學。將來他無所知。何以立身而處世。况

妹書若此。雖不能云精絕。而在近代女子中。已足推爲能手。苟有餘暇。隨時溫習。未爲不可。若必概置一切。而以全力爲此。則計之左也。

妹固智者。當不河漢斯言。此復。順頌。

近社。

姊某某手啓

月 日

△致嫂勸勿重男輕女

某嫂妝次。昨日某嫗來。欣悉。

玉體綏和。只因又舉一女。以致。

朗月襟懷。時被浮雲掩蔽。此最不可者。世俗重男輕女之見。全賴吾輩挽回之。何得自蹈其覆轍。須知男女初無。

二理如恐將來賠嫁爲難。儘可稱家之有無。且生子而不肖。反致墮其家聲。生女而能賢。亦足光我門第。古今來固有巾幗而遠勝鬚眉者。况吾輩亦女身。使當日爲母者。亦視爲輕賤。想早已形消骨滅。求有今日而不能矣。空言排遣。決不足以動。

清聽。故特於根本上解決之。尙希吾

嫂採納。鄙言是禱。手此順請。

近安。

妹某某謹啓

△稟

翁姑

報告近狀

姑翁大人尊前敬稟者。自別

慈顏倍深依戀。職虧侍養。刻不安懷。遙想

福躬康健。眠餐綏和。允如所頌。近來某某名夫與媳婦均獲安

好。堪慰。

注垂店中生意。頗爲發達。預料今歲定可獲利。故欲請
二大人亦同來此暢敘天倫之樂。聊表爲子之心。未識
尊意如何。乞卽
諭知。以慰下忱。專肅敬請

福安。

媳婦某氏謹稟

月 日

△諭媳囑其注意家事

吾媳收覽。予因宿疾。赴申就醫。得以脫然。遠行絕無掛礙。

者。賴。有。吾。媳。能。主。持。家。事。也。吾。兒。日。往。校。中。未。便。分。心。
故。一。切。全。仗。吾。媳。經。理。家。中。婢。僕。不。妨。以。嚴。格。繩。之。倘
有。過。失。切。勿。徇。情。至。於。門。戶。火。燭。諒。吾。媳。細。心。過。人。無
庸。諄。諄。切。囑。矣。手。此。卽。詢。

近佳。 月 日愚姑手泐

△諭子勉其學業

吾兒收閱汝自進店以來。瞬已半載有餘。不知得有進步
否。吾近來身體甚健。望勿遠念。惟願汝作事加勤。留心
學習。凡簿記之概要。貨物之往來。均須一一注意。不可
疏忽。果能遵所諭而勉勵之。庶幾三年學滿之後。店內

必○當○另○眼○看○待○隨○時○提○拔○可○以○自○立○於○將○來○否○則○程○度○毫○無○斷○難○重○用○卽○另○就○他○家○亦○無○以○大○任○相○畀○者○始○基○宜○慎○汝○其○勉○之○此○囑

月 日母字

△諭女毋好妝飾

某某女兒知悉。昨日來稟。提及飾品一端。予意甚爲不快。蓋身爲女子。蓬頭垢面。固屬不堪。然過事妝飾。亦非所宜。嘗見豔服奇裝之女子。招搖過市。旁觀者莫不竊笑。而譏議之。試問進德修業之歲月。何來爭妍鬥麗之心。思况此身。原非玩物。如徒博人憐愛。人格卽處於卑汗。不可復言。至如寶石珠翠。徒以有用金錢付諸無何有。

之鄉甚爲可惜。再若服用泰西綢緞及各化裝品任意耗費。既非惜福之道。且有窮乏之虞。余於汝求學一切費用。並不慳吝。而獨於此諄諄言之者。諒能曲體親心也。此諭。月 日母字

△致夫因年底催寄家用

某某夫子賜鑒。不奉

手書。條逾一月。光陰容易。又已秋去冬來矣。近諗

起居安吉。店中諸務勝常。爲念。近來家中各事順妥如恆。

自

堂上以次。均各健好。務祈不必

掛懷。惟上次寄來家用。現將告罄。轉瞬歲暮。各項均待開支。望即籌欸。從速匯寄。以免到時爲難。是所至盼。肅此

順問

旅安并望

福音

吉是手啓

月

日

△致姆因家事催其速歸

某姆賜覽。判袂月餘。時深馳念。卽維

起居多吉。是祝。妹於月初接到

手示。敬悉。吾

嫂尙須小住兩旬。遵卽代稟

姑翁大人亦蒙首肯。今日午後奉

面諭。刻有某事。必須俟吾

嫂旋歸。襄理一切。囑卽奉告。尙祈

見信速作歸計。萬勿再有稽遲。好在交通甚便。可無艱阻之虞也。相晤在邇。餘俟面談。專布卽請

近安。

弟婦某氏斂衽

月 日

△致嬸告分娩平安

某弟婦惠覽。昨奉

手書承蒙

注垂。既感并謝。嫂於某日上午八時分娩。幸得一男。均稱

平善。祈勿

掛懷。昨日

堂上擬卽僱用乳母。嫂聞之隨時回却。一則緣自己乳水頗多。可以節省僱資。一則恐乳母性質頑劣。必致傳染小孩。反爲不美也。近想

弟婦校務必甚煩勞爲念。瞬屆彌月時期。諸戚咸來。務望撥冗旋歸一敘。是所至盼。專布卽頌

時祉。

愚嫂 某氏斂衽

月 日

△致夫姊告近狀並催歸甯

某姑粧次久未通訊。馳系良殷。比維

琴棋曼福。

潭祉多佳。至爲忭慰。妹家計操心。米鹽瑣屑。然此爲女子之天職。不敢言勞也。所幸

堂上兩大人。日增康健。外子時有家報。現狀甚佳。可紓遠注。近來某甥。正當啞啞學語之時。情態想當可娛。尤爲堂上所系。念倘能如老年人之願望。及早

歸甯。俾得歡弄外孫於膝前。欣快何如。風便卽乞惠我好音。是盼。手此敬請。

儷安。

妹某氏手啓

月 日

△致夫妹言嫜病須醫勿從迷信

某妹惠覽。久疏音問。企系殊殷。昨得某甥女信。始悉令嫜忽患神經之疾。不勝念念。嫂按此病原因。都由於頑痰膠固。迷入心竅所致。而世人不察。有云前生冤孽。而延僧懺悔者。有云魔鬼纏擾。而請巫治療者。有云凶煞照命。而禳星退解者。種種迷信。無益於病。尙望吾妹。勿爲所惑。速延名醫。下藥方爲上策。諒病係初起。未入膏肓。治之或易。易也。專此奉達。順頌。

近祺。

愚嫂某氏謹啓

月 日

△稟外祖母父述體育之有益

外祖母父大人尊前敬稟者。久違

慈教時切孺思。近諭

福履安綏。閣府均吉。允如所頌。前蒙

賜諭數次。屢以甥女身體柔弱爲念。曷勝銘感。所幸甥女自春間入校以來。留意於體操一科。始而猶慮身弱。未敢嘗試。繼而勉力運動。稍舒筋骨。反覺轉弱爲強。精神頓旺。食量大增。是可知體育之有益也。茲恐

塵注專肅奉

聞敬請

尊安。

外孫女某某上稟 月 日

△稟舅父述未能送行之歉意

舅父 大尊前。昨日奉讀

賜諭知

舅母 與表妹等一同

榮行準於本月某日。趁滬甯車赴都。甥女理應赴站恭送。祇因校中正值試期未便。告假趨前深爲抱歉。茲謹具菲物四色。藉伸敬意。務乞

晒納爲禱。肅此敬頌

行祉。

甥女某某謹稟

月 日

△稟姑丈母 請暫爲代措學費

姑丈 大人尊前。敬懇者。姪女在校修業。不克時趨

左右謹領

教誨。歉仄實深。頃因校中已屆繳費之期。舍下尙未寄出。姪女迫不及待。故擬懇

長者暫爲代措銀元百圓。以便繳付。一俟欸至。當卽奉還。不誤。倘蒙

俯允。祈卽賜交。去人帶下。爲感。肅此奉懇。敬請

福安。

內姪女某某敬稟

月 日

△稟姨母父告與姨朗表妹安抵校中

姨母父

大人尊前。敬稟者。甥女於某日偕某妹一同上輪。後當晚起旋而行。一路浪靜風平。眺望江天。月洵可樂也。於

翌日安抵此間。隨至校中寄宿舍。安頓行李。甥女卽代某妹報名入學。好在該校無須先行考試。祇問程度。當插某班而已。甥女現與某妹身體均好。望勿

垂念。特此奉聞。敬請

福安。

甥女某某上稟

月

日

△託表伯代請西醫

表伯大人尊前。敬稟者。家母近患外症。腿部陰面癰大如掌。晝夜呻吟。腫痛不堪。雖屢邀中醫診治。內服瀉火之劑。外敷拔毒之膏。迄無效驗。姪女再三思維。惟有延請西醫。或能迅奏膚功。聞

長者素與某西醫熟識。乞卽代爲一邀。醫金若干。並希示明。以便姪女照送也。種種費神。容俟面謝。專此敬請。

康安。

表姪女某某上稟

月 日

△致表妹寄贈奩品

某某表妹粧次。正思

近狀。忽聽

好音。忻悉月之某日。爲

賢妹出閣良辰。敬維

桃。灼。及。時。

梅。標。迨。吉。既。喜。

三。星。之。在。戶。更。欽。

百。兩。之。盈。門。引。領。

吉。暉。無。任。忻。怵。恐。姊。悵。阻。一。方。遙。聞。鼓。吹。未。能。趨。觀。

嘉。禮。歉。仄。奚。如。茲。特。附。呈。奩。敬。四。色。另。開。紅。箋。用。表。微。

忱。卽。祈。

鑒。納。爲。荷。肅。此。恭。賀。

大。禧。並。頌。

近。祉。

表。恩。姊。某某。手。啓。

月

日

△致表姊商入他校

某某吾姊惠覽。音問久睽。時深企系。比維

履祺安吉。

教社清嘉。如頌爲慰。妹肄業某校。諸多不適。尤以校舍局促。爲第一缺點。既處城市之中。空氣甚少。又復人多。舍仄。隙地毫無。於衛生殊不合宜。故妹決計改入他校。免受起居之抑鬱。惟不知何校較佳。敢求吾

姊詳示。以便擇從。專此奉商敬請。

近安。

表妹某某謹上

月

日

△致女壻述女生產平安

某某賢壻青覽。兩旬未得

手書。想店事忙迫爲念。本月中旬。因小女將屆分娩之期。照料乏人。邀予相與陪伴。以壯其膽。喜於某日晚間。酉刻。產一麟兒。試聽啼聲。知係莫物。可爲賢壻道賀。小女產後身體強健。一切惟囑其小心謹慎而已。慈恐吾

增懸念。用特修書告慰。并報喜音。專此順問。近安。

愚某氏手泐

月 日

△致親母謝其問疾

親母左右。日前賤軀。偶抱小恙。承蒙

垂詢並命小女歸寧看護足見

親母體貼人情無微不至感甚感甚氏於某日感冒風寒

醫生用發表之劑汗出後病即減除此刻惟覺胃納欠

佳耳恐勞

錦注故特修函奉聞專此敬頌

潭祉

歸某郡某氏斂衽

月 日

△致夫表嫂贈幼稚恩物

表姆左右日前趨候

起居備聆

雅教並蒙

留膳心感。奚如。惟奴所尤忻羨者。令郎雖在稚年。尙未就學。而言語舉動。均有趣味。可尋。非深受家庭教育。曷克臻茲。且頭角崢嶸。精神活潑。已露英俊之姿。他日長成。定當大耀。

門楣而增光。戚黨茲特附去幼稚恩物數事。聊爲令郎閒玩之具。至祈

晒存爲幸。手此敬頌。

潭社。

表姪某氏謹啓

月

日

△致夫表姊言觀書之有益

表姑芳鑒。日前在某處不期而遇。立談片刻。據吾

姑云靜坐在家除略作針黹外一無所事殊覺悶損氏以爲消遣之法惟有披覽新出各種之名媛著作頗能引人入勝不啻在山陰道上有應接不暇之趣非但以排遣無聊且可增益我輩之見聞諒尊意亦必以爲然也茲將新購數種持以奉贈尙希晒存是幸此上敬頌

闕祉。

歸某郡某氏謹上 月 日

△致夫表妹勸其注意衛生

表姑惠鑒久睽

芳顏良深系念頃聞某嬭來言始知吾

姑惜福過甚。常將隔宿之食品。留至變味。未肯輕棄。且自食之。殊與衛生有礙也。因之變味物。其中必有微生蟲。

叢集潛滋。西醫言之甚詳。一入腹腸。爲患頗大。吾

姑所以不時抱恙者。未始不由於此。尙希此後。注重衛生。自奉切勿過約。是禱。專此布意。卽頌

履祺。

歸郡某氏謹啓

月

日

△致甥女託其照顧女兒肄業

某某賢甥女如見。多日不敘。甚以爲念。今汝表妹某某擬入校肄業。聞得汝校甚佳。擬於某日着人陪渠來前。祈代爲先行報名。是託。將來一切均請照顧。因渠年幼無知。

必須汝一一教導。望勿以姊妹平輩稍存客氣。倘或有不是之處。汝不妨當面指斥我非。但不見怪。并且感激。汝之盛情。應出學費。屆時當卽照繳也。專此奉託。順詢近祺。

愚某氏手書

月 日

△致夫甥婦言須早防疫氣

某甥婦妝次。多日未晤。時以爲念。茲聞外間疫氣流行。甚爲危險。溯厥原因。皆由夏間雨澤太少。河中污濁不堪。設飲此水。必易致病。况目下時值初秋。熱度高至百度。飲食最宜謹慎。每日必須督率僕婦。掃除各處積穢。將避瘟藥水。遍灑一周。切勿緊閉門窗。阻塞空氣。如此防患。

於未然或可免癘疫之侵犯也務望
甥婦格外注意切勿疏忽爲要手此順問
近好。

愚某氏手啓

月

日

△女學職業類

△與表妹論初學作文

某某表妹如晤昨日

舅父駕過敝校詢知吾

妹近來綴文頗善做古人紀事之作甚善甚事蓋文體約
分二種卽議論與紀事是也議論屬空紀事屬實議論

不但講究文法。尤當具有見識。紀事之作。則就事紀事。能簡括明暢而已。故初學爲文。當從紀事入手。此姊平日所聞於教師者如是。而證之實驗。益信爲不誣。今吾妹喜作紀事文。乃與此旨恰合。可見別有會心。不假師授。而能悟得學文之祕訣。良用欽佩。此後倘有

新獲進益。尙祈

惠示。以當面談爲盼。專此卽頌

學祉。

愚表姊某某手啓

月 日

△函告某女校注重家政常識之主旨

某某同學姊賜鑒。頃奉

蘭。織。承。

詢某某女校內容。別具深意。良用欽佩。近來各處女校林立。而轉致風俗頹敗。禮教陵夷者。弊在稍得新知。遽棄舊德。女職不講。國故罔知。畫荻和熊之教。已亡平等自由之風。彌盛人道。滅絕國本。將顛女界。明達早已審察及之。此間某某女學校。爲某某女士所創設。提倡國學。注意婦功。開辦已近三年。艱苦曾經百折。近擬於原有國文講習科。高初兩等外。增設縫紉刺繡科。授以家政常識。應用技能。幼穉科。亦日事研求。以端重蒙養。聞貴處女界。日進文明。倘有立志求學者。尙祈

隨時介紹是禱。專此順頌。

近祉。

妹某某謹啓

月 日

△函寄家事實習室之說明書

某某吾姊青覽。自違

蘭範。時切葭思。頃奉

惠書。就諗

起居增綏。甚慰渴念。承

詢某某女校課程。實有足資改善者。該校各種成績。早稱
優美。并有家事實習室。預備爲良善家庭之導線。故其
課程。以家政爲中心。而他項爲輔。且具有說明書。洵爲

最新研究之女子教育。近來女學辦法。已多趨重於此點。妹特將該校課程表及說明書。一并寄呈。

瀏覽至祈

查收專此即請

時安。

妹某某謹啓

月 日

△與妹言中國女學之興較先於歐美

某某吾妹如見頃接

來書。謂中國女學。方在幼稚時代。斷不能與歐美相較。意蓋抑中而揚西也。庸詎知我國女學之興。始自三代。其時歐美諸國。尙爲未開化之野蠻。何得有所謂女學者。

我國今日之女學。果能務求實際。並重體育智育。復以道德爲教育之中心點。後此女學之盛。安知不爲全球之冠。况我有四千餘年之文化。他國無之。我有二百餘兆之女界。他國無之不鳴。則已一鳴驚人。尙望吾妹。勿先自餒。是幸。專此卽詢。

近佳。

姊某某啓
月 日

△與夫妹言人母爲家庭教育之主任
某姑惠鑒。正殷遐想。忽展

手書。欣諭。

履候佳安。至以爲慰。承

示某甥性質穎異。現已施教育於遊戲之中。甚善甚善。蓋我輩擔任母職。即須擔任母教。緣兒童親近其父之日。少而親近其母之日多。故家庭教育當由爲母者主任之。語云得一賢母勝於良師。此雖常言。洵足玩味。今吾姑早已注意及此。可知某甥將來之成就。正難限量也。手

此卽請

近安。

愚嫂某氏手啓

月

日

△覆言女子當先研求實用之學術

某某夫人左右。前日過從。備聆

清誨。欽甚佩甚。今復殷殷以學程之先後

垂詢愧無可陳。謹述師言藉呈

尊覽。蓋學以實用爲歸。則取舍不難立決。顧實用之中。有常用的。有不常用的。此尤志學之初。所當明辨者。吾人立身處世。必需之學。既能深知。乃進而求高尚之理。精微之詣。是則善矣。倘若舍邇而求遠。棄易而圖難。未有不立蹶者。今日女子求學。大都喜務虛聲。而不圖實際。卽或以實際爲趨向。而舍邇求遠。棄易圖難之弊。又鮮有能除此則近來女學流行之通病也。鄙見如此。是否。有當。尙祈。

鑒察是幸。專此奉覆。敬頌。

懿安。

晚某某謹啓

月 日

△函詢專科宜學何種

某某同學姊惠鑒。久疏音訊。時切懷思。比維

履祉延綏。

講祺集吉。允符遠頌。妹愚陋如恆。愧無可述。惟念現今世界。非有專門科學。無以爲自立之謀。倘仍就女學之普通者。而肄習之。竊恐一身之精力有限。勢難並務而兼營。尙乞吾

姊抉擇近頃趨勢之所宜者。

指示方鍼。俾得學有歸宿。而免歧趨。爲禱。專此奉布。敬請

教安。

妹某某謹啓

月 日

△覆言女子手工講習所之成績

某某賢姊青覽。頃奉

蘭翰。藉諗

闡祉吉羊。

潭祺安燕。無任欣慰。承

詢此間女子手工講習所之內容。該所成立。方經一載。而功效業已卓著。所有生徒學成後之製品。運美發售。頗邀彼邦所歡迎。緣其所授之盤編花邊。結網花邊。抽紗編結等手工。皆爲歐美服裝日用必需之品。製時不用

機器。往學不限資格。每科三月。便可畢業矣。我鄉婦女。向乏專長。分利坐食。爲社會累。其優秀者。復視婦工爲可恥。良堪嘆惜。吾

姊果欲提倡此種手工於梓鄉。妹當竭力贊成也。此覆敬

請

時安。

妹某某謹復

月

日

△函述提倡內地女子工藝之情狀

某姊愛鑒。頃接

手書。藉知

起居安吉。甚慰渴念。承

詢此間女工傳習所近狀。現在所長某先生因憫內地女子生活困苦者衆。特將花邊抽紗各種不用機器之手工品製成順序標本。及製時所用之簡單器具。不惜犧牲其精神與金錢。親往內地貧瘠區域。周行演講其製作之法及其利益。并勸人就地設所傳授。既可救濟貧苦女子於國內。復可收回利權於海外。一舉兩得。莫善於此。且某先生之夫人某某女士。近亦有女子生計會之發起。其概要以提倡女子生計。勸導勤儉儲蓄爲宗旨。刻正徵求各方同意。不日可以發表矣。并以附聞。專此奉覆。順請

儷安。

某某謹啓

月 日

△函言刺繡爲中國特種之美術品

某某仁姊青覽。前因便人寄奉繡件數事。聊伴蕪函。遽蒙獎譽。并擬來此學習。陋劣如妹。愧不敢當。惟念刺繡一端。現爲我國女界特種之美術品。不但會場比賽。可獲最優之獎章。而且歐美各國。不惜以重金採購。可知刺繡在今日。頗有價值也。以吾

姊之才。略加研究。約費旬餘光陰。即可得其神妙。如果惠臨。妹便當掃榻以待。忝附

愛末。萬勿以片長見重。是幸。專此卽頌

近祉。

妹某某謹啓 月 日

△致表妹允教結線

某某表妹如談。頃聞某嫗述及。

賢妹意欲來此學習結線手工。甚善甚善。惟姊已多時不從事於此。因結線一項。花樣甚多。不可殫述。始則僅用泰西毛絨光絨兩種。近更趨重於東洋棉線。而間染以五綵者。我國女工購用。日益繁多。西洋絨線定價。既視金磅爲漲落。而東洋棉線。近頃亦逐漸昂貴。料本既重。工資復輕。姊早擬舍此而別圖他技矣。今賢妹喜學此藝。殆亦爲家庭需用之計。尙望得暇。

惠臨是盼。專此順頌。

近祺。

愚表姊某某手啓

月 日

△勸嫂習裁縫以備家庭之作用

某嫂左右。計自分袂。一月垂盡。辰維

起居安吉。爲頌爲慰。妹在校碌碌。無善可陳。惟於裁縫一科。已能領悟。前教員某先生編就裁衣法一書。卽按日上課所講者。茲已由某某書局印行。此書有圖有說。自禮服衫褲以至筆囊書袋等件。莫不備載。裁剪之法。縫綴之術。分條詳陳。瞭如指掌。今特寄呈一冊。以供

瀏覽。想吾

嫂精通文字。又復心思靈敏。披圖按說。不難一望而明。倘於。

暇時練習。以備家庭之作用。則裁縫無須求人。費既省。而工且精。獲益當不少也。特未知。

高明以爲然否。此上順請。

近安。

妹某某謹上 月 日

△函言女學工藝以適用之生活爲主

某某仁姊如面。接奉某日

惠書。知欲調查某某女校情形。妹當卽託人轉商該校校長。屆期當卽在校預備招待一切矣。惟妹意對於近今

女校之辦法。程度不必求其過高。各科教授。必須合於一般社會之心理。而所學工藝。皆以適用爲主。一經畢業。即可恃以爲生活。於女子習慣之依賴性質。補救實非淺尠。想吾

姊至某校調查後。當信妹言之切實也。專此奉復。敬頌
文祉。
妹某某謹啓 月 日

△函告工廠操作之情形

舅母大人尊前。日久未上寸稟。殊抱疎慢之愆。今蒙

手諭遙頒。

諄諄下問。關切備至。愈令甥女感愧無旣矣。去年 父親

因病歇業。纏綿床第。幾及半載。遂致家用日絀。生計艱難。母親以針黹補助。無濟於事故。甥女往工廠作工。亦出於萬不得已。而然。每日在廠八時。工資約有五角。可貼開銷。所幸身體較前強壯。工作亦覺習慣。且有一定時間。幾忘用力之勞。可見人生職業。卽女子亦不可少也。請

舅母勿以爲念。是禱。肅此奉復。敬請

懿安。

甥女某某敬稟

月 日

△函詢女子應學之職業

某某仁姊左右。別經數月。馳念良殷。惟

起居如意。

教務勝常爲頌。妹里居無聊。近擬編輯女子職業抉要一書。以爲將來實行自立之預備。惟各項職業之梗概一時選集爲難。因思吾

姊久任滬江教席。見聞較詳。乞將近頃女界職業辦有成效者。如女子工業學校。女子商業公司等。實行之章程。逐一費神搜寄。并祈

詳示必要之主旨。是所至禱。專此奉託。卽請
文安。

妹某某謹啓

月

日

△函商開設女子國貨店

某某仁姊芳鑒

教多時想

興居如意爲慰。茲啓者。妹平日與

姊談論。言及今值商戰時代。洋貨如何充斥。國貨如何不振。輒相對歎息不止。妹近推厥原因。良由我國商業經營者。無非男子。而女界獨付缺如。且未有講究及此者。現在女學日益振興。於書算簿記等事。已多熟悉。故妹擬招集股本。開設女子國貨店。以爲挽回利權之計。店中各項執事。均用女子。而某某女士已認股欸若干。且允擔任賬席矣。因思吾

姊素表同情。用特修函奉約。請於明日

光降舍間。商議進行之法。幸甚盼甚。專此奉邀。敬請

近安。

妹某某謹啓

月 日

△函問國府提高女權之現狀

某某學姊惠鑒。一別半載。思何可言。比維

德業兩進。爲頌無量。茲聞國府各機關。多用女職員。以工
作。有謂女子心思細密。較勝於男子者。有謂女子可以
實心任事。不致見異思遷者。其實爲提高女權表示。男
女平等之真相也。吾

姊寓居首都。觀光已久。祈將各機關女職員之概略。

列舉以示是禱。此專泐布敬請。

近安。

某某謹啓

月 日

△函述烹飪學爲女子應用之職務

某某吾姊雅鑒。別來數月。馳系良殷。近維

幸福日增。爲慰爲祝。妹自離校以來。碌碌無可陳述。惟日親烹飪。幾同傭婦。文字一道。置之久矣。然竊以自慰者。則由爾時在校。曾習烹調一科。故今日爲之。頗能得手。妹想同學姊妹。多視此事爲瑣屑。不肯切實講求。迨至應用棘手之時。始知此項職務爲最要也。尙望吾姊及時勉之。並以此意轉告諸同學。是幸。專此奉布。並請

學安。

妹某某謹上

月 日

△△師友交際類

△上校長因父母病請假

某某先生尊鑒。敬肅者。自違

左右。瞬逾星期。每念

起居。至爲悵仰。受業假歸里中。本擬家事粗畢。卽行返校。

不意母父忽於日昨。身發寒熱。一時難望清減。受業因此。

不得不暫留侍疾。以盡私忱。敢請展假十日。俾得朝夕。

看護一俟。親病全愈。卽當回校。銷假。決不敢稍事遷。

延。謹陳下情。伏乞

鑒允。肅此奉懇。恭請

崇安。

受業某某謹稟 月 日

△上校長介紹學生入校

某某先生左右。敬肅者。茲受業因隣居某某先生之女孫。年十三歲。向在家塾讀書。國文能作短篇。算術亦略解。一。二。今欲入本校肄業。以此程度。不識可插入某班否。俟及開學期間。當即偕來考驗。囑受業先行稟告。並乞將新訂章程。

賜寄一份。以便查閱。此上敬請

道安並候

福音。

受業某某敬上
月 日

△稟告畢業後已任某女校教職

某某先生鈞鑒。受業久違。

函丈企慕良深。敬維

道履康疆。

潭庭安泰。至以爲頌。受業舊歲回舍。本擬再至某某女子
高等學校肄業。乃家本清貧。學費難措。又恰值某某女
士在邑中創辦某某女校。某科教員。尙未得人。屢囑受
業以承斯乏。受業不揣淺陋。赧然應之。現已於某日上

課。惟。惴。惴。恐。難。勝。任。尚。乞。吾。師。時。賜。教。言。以。匡。不。逮。俾。受。業。無。隕。越。之。虞。而。免。貽。母。校。辱。也。是。幸。專。肅。敬。請。

道安。

受業某某敬上 月 日

△探問同學消息

某某仁姊青鑒。久間晤談。惟

起居安吉。爲頌爲慰。茲啓者。某某女士。前在某校肄業時。較妹上一級。與妹最善。自畢業後。卽未通訊。傳聞已至。天津某某高等女校肄業。或又謂現膺某邑女校教員之聘。未知孰是一別。兩載音信沈沈。每念舊遊。黯然久之。

之。素知吾

姊與某某女士相契。倘若悉其蹤跡。尙祈

賜示。以便通函。專此奉布。順頌

近祺。

妹某某謹啓

月 日

△函問婦女協會演說團之出發期

某某先生賜鑒。前讀

大教。知因內地風氣未開。不惜

苦口婆心。爲覺路之先導。特組織女子演說團。前往各處

演說。佩甚佩甚。近今女權提高。社會心理。對於女子之舉動。較男子尤易招人注目。結團演講。開通風氣。不能

得。之。於。鬚。眉。千。百。言。者。必。能。得。之。於。巾。幘。一。二。語。故。法。國。羅。蘭。恆。爲。勞。動。界。所。歡。迎。亦。可。見。人。情。之。所。趨。重。矣。
茲聞

部署業已完妥。出發之期。究定何時。敢代表此間社會。先行致意歡迎。專此奉布敬頌。

行祺。

妹某某謹啓 月 日

△致世姊問行期

某某賢姊左右。昨造

尊府。問候

伯母起居。適見吾

姊家報始知

文旌定於某日南旋。用特修函。敬懇

代購某某等物。爲舍妹下月于歸之用。需價若干。謹當面

奉屆時並擬請吾

姊惠臨。以光蓬蓽。爲幸。如有事須延期。亦希

示知。以免翹盼。專此奉託。敬請

旅安。

妹某某謹啓

月

日

△奉世伯母慶賀壽辰

世伯母座右久別

尊顏。時深神系。敬謚某月某日。爲

世伯母六旬大慶。姪女本當買棹歸來。登堂拜祝。奈緣冗務。羈身不克。稱觴上壽。此心殊覺歉然。茲特寄呈薄禮四色。伏祈

晒納。藉伸微忱。肅此奉賀。謹請

福安。

世姪女某某肅上 月 日

△賀學友畢業

某某賢姊如握。前月一晤。忽忽兩旬。方以未得吾

姊消息爲念。日昨某女士來談。始悉

貴校於某日考試畢業。

芳名獲列優等。欣羨何似。吾

姊天資既已過人。平時更加力學。久爲私衷所欽仰。今之高取妹。早意料及之。惟自愧碌碌如恆。無可陳述。雖向學甚切。而進境難期。以視吾

姊。眞覺望塵弗及矣。專此奉賀。卽頌

履祺。

妹某某謹啓

月

日

△慰同學久病

某某同學。姊賜覽。一別盈旬。思與時積。日來

貴恙何似。服某醫生之藥。可能見效否。念念昨晤。令表

姊某某女士。談及吾

姊。因抱病未痊。曠課較久。焦急之心。現於顏色。此妹竊以

爲不可者。蓋修業固應長進。然抱恙亦無可如何。苟因久病而焦急。非特不能減輕。且恐由此而加劇。尙望吾姊耐性安神。靜謐調治。俟全愈後。入校補課。亦易易也。專此奉慰。敬請

痊安。

妹某某謹啓

月 日

△規同學勿染時習

某某吾妹如面。自同儿硯。已閱三秋。親愛忱之一時無兩。吾妹天資聰穎。遠在姊上。佩服甚深。惟姊竊有不滿意於吾妹者。則以近日頗喜修飾。一切裝束。務求入時。雖覺顧影翩翩。究非吾儕所應。爾夫垢面蓬頭。固嫌太陋。而選衣

擇履未免過侈。須知女子服飾清潔與繁華當辦不得。藉口衛生遂染近頃流行之時習也。忝在

知己不敢默然。尙祈

俯納鄙言。仍崇樸素爲幸。專此順頌

文祺。

愚姊某某謹啓

月 日

△覆言當矯厚索賂贈之弊習

某某仁姊大鑒。昨奉

手教。描摹中國社會重男輕女之情形。何其淋漓盡致如

此也。然妹對於爲人女者。亦不願寬其責備。緣女子當

遣嫁時期。衣服箱籠種種需索。在旁觀者已歎爲薄於

母家而厚於壻家。其實爲體面二字所誤。遂致姑嫂搆嫌。隙兄弟多違言。甚且迫令父母受困難痛苦。而莫可如何人。乃以生女爲大戚矣。聞吾

姊出閣。卽在明春。倘能

力矯此弊。由一身而改良風俗。吾黨幸甚。社會幸甚。此復

敬頌

近祺。

某某謹啓

月 日

△託代聘幼穉園之保姆

某某仁姊賜鑒。不親

芳範。瞬已經年。月夕花晨。時殷渴想。辰維

懿祺集吉

教社迎祥爲頌無量。茲啓者。此間女校。雖設有數處。而幼穉園尙無人倡辦。妹現在提議創設。頗爲同志贊成。經費地址均已規畫就緒。所急需而難得者。爲保姆之人。才吾

姊旅外有年。深於閱歷。務祈

留意速代延聘。俾可早日開辦。至爲禱幸。專此奉託。願請近安。并希

賜復。

妹某某謹啓

月 日

△介紹女教師

世伯母左右敬肅者前承

面諭囑姪女物色女教師一人以便延聘至家教導諸妹
學習書算刺繡等事因一時急切難尋以致延擱月餘
諒

尊處亦未必請定今者適逢其會有同學之親戚某某女
士忽然來相訪此與姪女一見如故甚爲相得始知女
士曾在某某女校畢業精於書算刺繡等事頗與
伯母之意相合倘欲延訂乞卽

示知姪女便可託同學轉請也特此奉告敬請
懿安
姪女某某敬稟
月 日

△請代介紹閨友

某某吾姊雅鑒。久違。

蘭範。彌切葭思。近維

履祺文祉。壹是吉祥。慰所如頌。茲有某某女士。係敝鄰某先生之女公子。擬於下學期入某校肄業。惟查該校章程。必須有熟人介紹。某先生商之於妹。託爲代覓熟人。用特敬懇。吾

姊。列名爲介紹人。俾得遂其求學之心。同深幸感。某女士與妹。爲隣數年。行止素爲妹所欽佩。明日當令趨謁。尙祈。

推愛接待。是禱。此上卽請

時安。

妹某某謹啓
月 日

△函薦女校教員

某某先生

近今女學界
均稱先生

惠鑒。久別

芳顏。思與時并。辰維

履祺。晉吉。

文祉增祥。良如肫頌。茲啓者。敝同學某某女士。現任某某女校職務。因校中一切均不完善。擬卽告退。以圖另就。

頃聞

貴校國文歷史科教席。急需替人。倘可卽以某女士擔任。

之。甚。爲。兩。便。至。某。女。士。之。學。術。人。品。亦。爲。
先。生。所。素。知。無。待。贅。述。如。蒙

許。可。卽。祈

惠。復。以。便。函。致。某。女。士。商。訂。一。切。也。恃

愛。推。薦。尙。望

恕。其。冒。昧。是。幸。專。此。順。請

教。安。

妹某某手啓

月

日

△邀觀女子運動會

某某表姊惠覽。別久思深。惟日以

起居多吉爲頌。茲啓者。敝處擬於某日舉行春季女子運

動大會一切籌備業已就緒屆時到場者如某某女校
棒球隊某某女校籃球隊等外尚有女子百米賽跑女
子國術團表演技擊此種大結合的運動爲從前所未
有足見近頃各校女生皆具有好身手強健異常可一
洗女界嬌柔怯弱之夙恥吾

姊倘若有暇尙望屆期

惠臨攜手偕觀而一快眼界好在交通甚便切勿遲誤是
盼專布卽請

奩安

妹某某謹啓 月 日

△邀學友看花

某某仁姊青鑒。久未把臂暢談。深爲悵悵。際此春雨初霽。淑氣迎人。舍間傍東園林。羣芳獻媚。不啻一幅天然畫景。妹又新得名花數本。陳列階前。尤足觀玩。因念吾姊愛花如命。與妹同情。用特函請。

玉趾惠臨。題詩品賞。且藉此一剖衷曲。在小園作竟日之談。如不。

見。却明晨。妹當掃徑以待也。專此卽頌。

日祉。

妹某某謹啓

月 日

△函請改赴美術展覽會

某某契姊賜覽。頃奉

蘭言約於星期日往遊某園。理應奉陪。惟妹意以某園風景雖佳。常往玩遊。似無趣味。頃聞城南某某女校。適於本星期開美術展覽會。各種手工成績冠絕一時。久爲各界所稱許。吾

姊有興出遊。不如改赴該校參觀。較爲有益。倘荷同意。屆期請卽

惠臨。敝校結伴前往。妹當偕諸友守候也。手此奉覆。順頌近祺。

妹某某謹啓 月 日

△辭友約觀電影

某某仁姊雅鑒。昨奉

來示敬悉承

約往觀影戲。本極贊成。妹刻據他人傳述。某園此次新攝影片。頗爲佳妙。然恐觀者太衆。流品甚雜。未免坐位擁擠。男女難分。且當每幕停閉之際。全場黑暗。其中曖昧。實非言語可以形容。總之此等場所。非女子所宜遊覽。據妹愚見。明晚改往某舞台觀劇。較爲有聲有色。且無意外之虞。未識吾

姊以爲然否。此復順請

時安。

妹某某謹啓

月 日

△約友參觀職業女校

某某仁姊惠鑒。旬餘未晤。想

履候安佳爲慰。妹前擬調查各女校。未知以何者爲最優。昨得某某女士來函。據云某處某某女校。較爲完善。其性質近於職業教育。所有功課。除普通科學。而外。注重於縫紉刺繡製花各門。而需要之原料。均由校中代備。所得各生成績。品之售價。卽概歸校中。以補助常年經費。此種辦法。甚合妹意。妹已函訂於某日前往參觀。知吾

姊亦與該校校長相識。屆期務望

惠臨。以便偕往爲盼。手此卽請

麟安。

妹某某謹啓

月

日

△邀友遊園

某某仁姊芳鑒。逕啓者。妹自暑假歸後。在家溫習。久未一抒積悶。日來溽暑較甚。炎威逼人。此間雖無消夏之灣。然聞某園荷花盛開。叢樹密障。頗足品茗聯句。而快滌煩襟。想吾

姊雅人深致。必當表示同情也。明日午後。在舍恭候。珮臨。偕往該園一遊。是所至盼。專此卽頌。近祺。

妹某某手啓

月

日

▲邀友晤談

某姊惠覽不晤又月餘矣。想

德業兩進。至以爲慰。妹於下星期日。擬返舍一行。省視

家母。吾

姊若無他事。務祈屆期

惠臨。以圖良晤。而傾積懷。舍間東側荒地。近已闢爲球場。

大足。趁技。吾

姊來時。姑試一局。想尤所同意也。手此並請

學安。

妹某某謹啓

月 日

△約赴音樂會

某某吾姊賜覽。違

教旬餘。想日來

履祺增吉爲慰。茲因某某女校。於某日開音樂大會。送來
入場券廿張。諸同學均欲前往。惟妹意尙未決定。緣於
音。樂。一。門。素。少。研。究。似。與。會。覺。無。趣。味。因。思。吾
姊。素。諳。此。中。奧。妙。倘。若。屆。期。亦。往。妹。當。樂。陪。以。便。隨。聆。
教。益。是。否。務。乞

賜覆爲盼。專此卽請

文安。

妹某某謹啓

月

日

△暑假約同歸里

某某吾姊惠鑒。昨奉

蘭札知

貴校暑假。昨已決定。妹校假期。適在

貴校前一日。得與吾

姊妹結伴。返里途中。既免寂寞。復可互相照應。何便如之。倘

蒙

不棄。卽祈

賜示行期。以便預備一切。若檢點行裝。須妹相助。當卽趨

前效力也。專此順頌

日祉。

妹某某謹啓

月 日

△贈友書籍

某某賢妹如面。姊自赴校至今。頗以未得

手書爲念。刻聞

賢妹因限於經費。未獲入校。殊爲憾事。然能在家自修。勉從事。未必遜於在校肄習者。况吾

妹天資穎敏。遠勝於儕輩。乎茲寄上女子國文教科書四冊。算學教科書二冊。聊爲進修之助。以省購置之資。尙希

晒納。是幸。專此順頌

潭祺

愚姊某某手啓

月

日

△代友求畫

某某仁姊惠鑒久違

教益倍切神馳比維

起居安適爲頌茲有懇者妹之同學某某女士夙仰吾

姊大名且知精於畫法尤爲心折故託妹轉求不論山水

花卉務乞

大筆一揮附上宣紙兩幅不知合用否有費

清神容當面謝專此奉懇順請

文安

妹某某謹啓

月 日

△致友借書

某某仁姊如握自上月晤談不見又旬餘矣近維

學與日進。爲祝。茲啓者。前在

尊處。繙閱几上某種書籍甚佳。歸後卽至書肆購辦。據云此書現已售罄。悵悵而返。然心戀此書甚切。可否乞吾姊賜借一閱。以擴眼界。好在該書卷帙無多。兩日當可覽畢。奉還。斷不致誤。如荷。

俯允。卽祈交來手帶。下是感。專此奉懇。敬請

學安。

妹某某謹啓

月

日

現代分類尺牘大全

▲▲普通社會

▲▲慶賀類

△賀人祖父壽

某某仁兄閣下。久闊

芝儀。時深葭溯。頃聞月之某日。爲

太老伯幾旬大慶。仰

重。闈。之。吉。曜。卜

五。世。之。昌。期。敬。維。

燕翼貽謀。

鶴籌錫祉。

隨舞斑衣而介壽。

代持筇杖以承歡。

福萃一堂欣陳三祝。弟奉爵心殷。撫衣跡阻。臨風額手。歉

仄彌深。謹具菲儀。尚乞轉呈。

莞納爲幸。專肅祇叩。

崧齡並頌。

侍祺百備。

弟某某謹啓

月

日

△賀人祖母壽

某某仁兄閣下久違

眉宇恆切心藏忻諗月之某日爲

太老伯母幾旬榮慶瞻

良辰之華悅仰

疊舞之綵衣恭維

壽考維祺

天倫可樂

慶衍桐孫以備福

祥徵桃實而增歡引企

德門曷勝忭頌弟羈身遠道不獲親自登堂介景祝延良

深抱歉謹具菲儀幸卽

晒納代呈。是所幸感。專肅敬祝。

慈齡並請。

侍安。

弟某某謹啓 月 日

△賀人祖父母雙壽

某某仁兄惠鑒。頃得某君某某來函。忻諭某月某日。恭值

太太
老老
伯伯
幾旬雙壽。仰

重闈之集。祐喜。

偕老之延。釐敬維。

福備人間。

圖開家慶。

膝繞孫曾。以介兕。

眉齊。耄耄。而視鳩。

壽。耀。翹。瞻。舞。忭。無。既。弟。遠。道。羈。身。不。克。撫。衣。申。敬。下。懷。抱。

歎。尙。乞。

鑒。原。附。呈。菲。儀。幸。卽。

警。納。是。荷。專。此。上。賀。

饗。禮。祇。請。

侍。安。

弟某某謹啓 月 日

△賀人父壽

某某仁兄閣下。久疏賤候。深念

起居。茲聞月之某日。爲

老伯幾旬華誕瞻

德。星。之。協。慶。欣

愛。日。之。承。歡。敬。維

椿。蔭。滋。濃

蘭。階。溢。喜

啓。霞。觴。而。舞。綵

依。海。屋。以。添。籌。仰。企

華。堂。曷。勝。藻。頌。弟。本。擬。趨。前。爲。一。樽。之。獻。奈。情。殷。迹。阻。抱

歉。奚。如。謹。具。非。禮。至。乞。代。呈

賞。納。是。所。幸。感。專。此。肅。賀

喬齡祇請

侍安。

弟某某謹啓
月 日

△賀人母壽

某某仁兄閣下。自違

大教。遂積歲時。頃聞某月某日。

老伯母壽登幾秩。瞻

綵衣之戲舞。仰

華輓之榮光。恭維。

愛日長暄。

慈雲濃蔭。

歌。譜。陔。南。以。介。壽。

筵。開。堂。北。而。承。歡。翹。企。

吉。暉。曷。勝。忭。頌。弟。誼。屬。通。家。應。儕。觥。獻。奈。緣。事。羈。未。克。摠。

衣。謹。具。菲。儀。聊。申。賀。悃。幸。卽。

鑒。存。是。所。忻。荷。專。肅。祇。祝。

萱。齡。敬。請。

台。安。

弟某某謹啓

月

日

△賀人父母雙壽

某某仁兄閣下久別

光儀。莫名企憶。頃得舍間來函。云月之某日。爲

賜存爲感。專肅祇賀。

大禧。上請。

待安。

弟某某謹啓

月 日

△賀友人壽

某某仁兄閣下。遠睽

左右。迹阻神馳。頃聞月之某日。欣值

生申良辰。願獻

九如之頌。並陳

五福之疇。恭維

壽。字。祥。凝。

名楣喜溢

銘長生於無極

喜難老而自由跂望

懸弧曷勝忭頌弟情殷觥祝跡摠阻衣忝在素交諒蒙

鑒諒茲附呈菲敬一函聊申賀悃幸卽

哂收是感專肅祇祝

崧釐並請

台安

弟某某謹啓

月 日

△賀友妻壽

某某仁兄閣下久違

雅。範。懷。仰。實。深。日。昨。令。親。某。君。來。此。述。及。月。之。某。日。爲。嫂。夫。人。設。悅。良。辰。企。

婺。宿。之。揚。輝。喜。

海。籌。之。增。紀。

燕。闈。集。慶。看。繞。膝。以。承。歡。

鴻。案。凝。祥。樂。齊。眉。而。偕。老。驥。覘。

壽。宇。欣。頌。奚。如。弟。本。擬。趨。前。稱。祝。奉。介。一。觴。乃。以。俗。冗。不。

能。如。願。抱。歉。良。深。茲。附。呈。微。物。數。種。幸。卽。

賜。存。以。博。

筵。前。雙。笑。至。爲。感。荷。肅。此。敬。賀。

儷禧並請

台安。

弟某某謹啓

月 日

△賀政界壽

某某先生閣下。翹企。

樽輝時殷。葵向茲值。

懸弧之大慶。彌欽。

吉座之榮光。恭維。

壽域長春。

福星永曜。

兕觥笑酌。迎曼祉而雲臻。

鶴○算○忻○增○與○勛○華○而○日○楸○

鴻○儀○引○領○鳧○忭○莫○名○弟○捧○罌○情○殷○稱○觴○迹○阻○敢○用○土○儀○率○

獻○藉○申○一○片○芹○衷○惟○慙○薄○物○無○文○聊○作○

千○年○桃○實○肅○修○燕○簡○祇○祝○

松○齡○敬○請○

勛○安○伏○乞○

霽○鑒○

弟某某謹啓

月

日

△賀軍界壽

某某仁兄麾下久睽○

英○采○良○切○欽○遲○喜○逢○

弧矢之佳辰。彌仰
鈞樞之偉望。恭維

祥凝細柳。

春熟蟠桃。

燕領雄奇名。世兼能壽世。

龐眉矍鑠將星真。是福星翹景。

崧生欣陳華祝弟。心馳翰臚身阻。稱觴頌。披駢詞。媿乏江。

郎之筆願增。

鶴算頻添海屋之籌。呈附微儀。上所。

笑納。專肅祇叩。

遐齡敬請

助安

弟某某謹啓

月

日

△賀學界壽

某某先生閣下久違

芝範時切葭思茲聞月之某日欣值

懸弧令旦想

名流之崇拜瞻

壽宇之臚懽敬維

佳日凝祥

德星集瑞

南○山○君○子○介○兕○觥○而○樂○頌○無○疆○
東○閣○詩○人○增○鶴○算○而○羣○稱○難○老○

喬○松○引○領○掄○藻○莫○名○弟○未○遂○摠○衣○用○陳○賀○簡○料○此○時○
橫○拖○綠○玉○倒○誦○黃○庭○強○健○當○有○逾○於○曩○昔○者○下○風○洄○溯○欣○
羨○奚○如○附○呈○菲○敬○幸○卽○

賜存爲荷專肅祇祝

遐齡並請

台安

弟某某謹啓 月 日

△賀商界壽

某某仁兄閣下。賤敬久疏。時殷仰系。茲聞某月某日。爲吾

兄幾旬華誕企

家庭之集慶忻

壽考之維祺恭維

名著鴻籌

紀增鶴算

方范蠡而生涯愈富

比壺公則歲月偏長

吉曜翹瞻下風馳祝弟
撫衣未遂賀簡特陳
附呈微敬一

函聊以將意卽祈

晒收是所感幸專此敬祝

千春並請

台安。

弟某某謹啓

月

日

△賀完姻

某某仁兄閣下。遠道懷人。

好音送喜。欣悉某月某日爲吾

兄合卺佳辰。恭維

慶洽良緣。

歡成嘉禮。

人間二妙。諧好合於百年。

天上雙星。符昌期於五世。引瞻。

吉。曜。欣。頌。奚。如。弟。遠。隔。一。方。未。能。趨。賀。下。懷。歉。悵。莫。可。名。言。茲。特。附。呈。菲。敬。一。函。卽。乞。

晒。存。是。荷。專。此。敬。賀。

大。禧。並。請。

台。安。

弟某某謹啓

月

日

△賀文明結婚

某某仁兄閣下。渴思

雅教。忽聽

喜音。忻諗。月之某日。與

某某女士文明結婚。敬維

嘉禮告成。
良緣迨吉。

昌期燕婉。締幸福於家庭。

儷社駢蕃。標儀型於社會遙瞻。

吉宇歡頌。莫名弟羈身異地。在遠情殷。趨賀未能。至爲悵
歉。茲特附呈菲敬。卽乞

飭存。禮數不周。尙希

鑒原。是幸。專此恭賀

大禧。卽請

台安。

弟某某謹啓
月 日

△賀續娶

某某仁兄閣下。正企。

鴻儀。忽傳鵲報。欣聞月之某日。爲我

兒花燭良辰。敬維。

鳳卜新諧。

鸞膠重續。

偕窺寶鏡。華妝正合。華年。

喜賦玉臺佳耦。定多佳話。

吉暉在望。懽頌莫名。弟以俗務羈身。不克趨前道賀。抱歉。

良深。謹具不腆之儀。聊以將意。務乞。

晒存是幸。專此奉賀。

燕禧卽請

儷安。

弟某某謹啓

月 日

△賀納寵

某某仁兄閣下。久隔。

芝。儀。苦。思。舊。雨。忽。承。

蘭。訊。喜。詠。小。星。知。傍。

琴。瑟。而。依。依。宜。抱。衾。裯。而。肅。肅。

珠。量。聘。價。美。稱。柳。氏。柳。枝。

金。屋。藏。嬌。迎。到。桃。根。桃。葉。引。瞻。

台。曜。欣。賀。奚。如。弟。愧。羈。塵。勞。未。獲。趨。前。道。喜。親。覩。新。妝。至
以。爲。悵。茲。特。寄。奉。化。裝。品。數。事。藉。佐。香。豔。尙。乞
晒。收。是。荷。專。此。奉。賀。並。頌

譚祺。

弟某某謹啓 月 日

△賀娶媳

某某仁兄閣下。久別

芝顏時深葭溯。頃聞某月某日。爲

某某世兄合卺良旦。瞻

德儀之衍慶喜

嘉禮之告成敬維

瑞。鶴。名。相。

芬。垂。式。穀。

試。聽。雙。聲。於。雛。鳳。

訓。吟。三。疊。之。關。雎。遙。企。

華。堂。無。任。欣。頌。弟。身。爲。事。絆。不。獲。趨。申。燕。賀。想。可。仰。邀。

鑒。原。茲。特。寄。呈。菲。敬。一。函。卽。祈。

莞。存。是。荷。肅。此。奉。賀。

大。喜。並。請。

台。安。

弟某某謹啓 月 日

△賀娶孫媳

某某先生閣下。遠隔

鴻儀。正殷鵠望。昨聞某月某日。欣逢

孫世兄完姻嘉禮。欽

德門之衍慶。企

吉曜之呈輝。恭維

謀喜燕貽。

兆諧鳳卜。

嗣徽音於兩世。頌洽百男。

訓詩始之三章。肇開萬福。

華堂引領欣忭。莫名弟誼。應趨賀來。附賓筵。緣事絆身。良

用歉悵寄呈菲儀將意卽乞

笑而存之。肅此奉賀。

大喜敬請

台安。

弟某某謹啓

月 日

△賀嫁女

某某仁兄閣下久別

台顏。彌殷洄溯。茲聞某月某日欣逢

女公子出閣良辰。仰

德門而翹景知

嘉禮之多。宜敬維。

快○洽○乘○龍○

占○諧○卜○鳳○

詠○桃○華○而○迨○吉○

喜○冰○玉○以○交○輝○引○企○

名○楣○曷○勝○忭○頌○弟○因○聞○訊○略○遲○不○及○備○呈○禮○物○附○上○奩○敬○

殊○愧○不○恭○尙○乞○

警○存○是○幸○專○此○上○賀○

大○禧○卽○請○

台○安○

弟某某謹啓

月 日

△賀生子

某某仁兄閣下正思。

舊雨忽奉。

朵雲緣種玉之良因得弄璋之大喜。

德能裕後卜王郎不是凡兒。

慶自充閭欣桓氏獲茲英物仰瞻。

吉宇曷罄頌忱弟駒陰易擲馬齒徒增膝下猶虛心期甚

切不知能如。

君之一索得男而天從人願否也附寄冠履數種聊以佐

函卽乞

晒納是荷專此上賀

大禧敬請

儷安。

弟某某謹啓

月 日

△賀生孫

某某仁兄閣下。遠睽

左右。跡阻神馳。昨聞

閣下於是月初旬。獲有抱孫之喜。知

餘慶旣徵。諸積善而

世德復見。其作求

瓜瓞延綿。忻看貽謀於燕翼。

蘭蓀早茁。定能繼武以象賢遙企。

名楣曷勝忭頌。弟此時現狀尙佳。堪以告慰。惟兒輩雖已
讀書。猶未成立。以視吾

兄之含飴娛樂。豔羨奚如。茲附寄菲物數種。藉申遠忱。卽
乞

警收轉交。是所幸荷。專此奉賀。

大禧。敬請

台安。

弟某某謹啓

月 日

△賀雙生

某某仁兄閣下。久睽

教益。正切欽遲。頃聞吾

兄於上月中旬獲有孿生之喜想見

熊羆旣徵諸吉夢

鳳鸞斯產於同胞

玉刻雙璋忻瑤環之並秀

錦挑對裸看弧矢之交輝引企

崇閭無任忻怵弟上年幸得一男尙有以爲民國添民相

戲者今吾

兄連舉兩雄知有功於民國更不待言其亦

試聽英物之互啼而自覺發矇否附寄菲物數對以佐荒

函至乞

警收爲荷。專此敬賀。

大禧。卽請

儷安。

弟某某謹啓

月 日

△賀友人之子孫學校畢業

某某仁兄閣下。別來數月。如隔三秋。每憶

清暉。時勞懷想。頃奉

惠教。忻諭

文孫郎

已在某某學校畢業。勤學積年。得茲良

果。逃聽之下。忭賀莫名。弟念學問之道。本無窮期。以

閣下培植之能力。旣優

文孫郎

進取之思想。更富仍宜出

洋留學。達到完全之目的。一俟游學歸國。頭銜特異。聲

價。愈。高。干。青。雲。而。直。上。其。前。程。誠。未。可。限。量。也。手。此。奉
賀。敬。頌。

潭社。

弟某某謹啓

月

日

△賀被選舉

某某先生閣下。自違

雅。範。瞬。已。經。年。正。切。心。儀。忽。傳。吉。報。忻。悉。得。

選。青。於。社。會。將

建。白。於。國。家。從。茲。

代。表。輿。情。除。同。胞。之。痛。苦。行。見。

主。張。公。誼。爲。各。界。之。儀。型。引。領。

台。暉。無。任。懼。怵。弟。年。來。跼。伏。碌。碌。如。恆。比。之。
公。望。公。才。卓。越。一。時。相。去。奚。啻。天。壤。惟。祈。此。後。風。便。時。
賜。教。言。俾。資。磨。礪。是。所。禱。幸。專。此。奉。賀。敬。頌。
台。祉。

弟某某謹啓 月 日

△賀商店開張

某某仁兄閣下。久未布候

起居。每於友好往還。藉問

安况。欣慰無量。頃聞

創設某某寶號。行將諏吉開張。企

駿業之恢宏。欽

鴻○籌○之○展○布○

指○揮○如○意○樹○特○幟○於○商○場○

遐○邇○馳○名○善○經○營○而○利○市○臨○風○欣○頌○羨○佩○莫○名○弟○一○是○如○

常○無○善○可○述○以○視○

閣○下○之○大○啓○規○模○殊○形○見○絀○暇○時○尙○祈○

不○吝○教○言○俾○資○進○益○至○爲○盼○幸○附○上○賀○禮○卽○乞○

晒○收○專○此○敬○賀○

大○喜○順○請○

台○安○

弟某某謹啓

月 日

△賀新屋落成

某某仁兄閣下。自違

雅教。久未通函。懷企之忱。無時或釋。昨聞我兄經營華屋。刻將大慶落成。遙想

美奐美輪。

攸甯攸芋。

里名光化。好奠竹苞。松茂之基。

宅號親仁。益增鳥革。翬飛之象。引瞻

吉曜。欣頌莫名。弟情殷迹。阻未克趨。申燕賀。藉仰

規模。良爲歉悵。附上聯幃。聊申祝忱。至乞

察收爲荷。專此奉賀。

鴻禧敬請

台安。

弟某某謹啓

月

日

△賀人遷居

某某仁兄閣下久別

光儀思與時積。昨聞

芝楣新徙。

華屋卜居。

鶯擇喬遷。特請更乎爽塏。

燕來報喜。樂依傍於德鄰。引企

鳴呵曷勝忭頌。弟本擬趨賀

崇階奉擾杯。酒。奈因俗冗羈絆。良用悵然。附呈菲儀。卽乞
賜納爲幸。專此敬賀。

鴻禧順請

台安

弟某某謹啓

月 日

△賀人新年

某某先生閣下。敬肅者。律轉鴻鈞。一元復始。韶回鳳瑄。萬象
昭蘇。恭維。

首祚迎祥。

履端肇慶。

太和在抱。總百。度。以。維。新。

景。福。來。同。偕。三。陽。而。開。泰。
吉。暉。在。望。忭。祝。莫。名。弟。跡。阻。覺。趨。情。同。雀。躍。下。風。引。領。愧。
吟。獻。歲。之。詩。向。日。傾。忱。喜。上。

宜。春。之。頌。虔。修。寸。啓。敬。賀。

年。禧。祇。請。

台。安。統。希。

賜。答。

弟某某謹啓

月

日

△△△通候類

△通候未會而神交者

某某先生閣下久欽

駿望莫挹

鴻儀殷系寸丹難宣尺素敬維

鼎祺綏燕

履祉吉羊引企

神交無任忭頌弟識等管窺材慚薄植每懷

塵席識荆將卜於何時遙盼

龍門御李尙須乎他日尙蒙

賜教俾附

知音庶如親

霽。月。光。風。不。致。徒。勞。饑。渴。且。默。契。

高。山。流。水。從。茲。快。慰。生。平。專。肅。奉。候。敬。請。

台安。諸惟

愛照。

某某謹啓

月

日

△通候舊交而疏闊者

某某仁兄閣下。久疏通訊。良以塵俗無可述告。忝在

深知。必能原心略迹也。比維

台候增勝。

潭第多綏。定如所頌。弟此間僑寄久擬言歸。無奈俗務絆。牽以致行期屢改。大約今歲又不能回里。而一敘闊懷。

吾

兄近狀如何。至爲系念。尙希便中

賜示。以慰拳拳。專此奉候。敬請

台安。

弟某某謹啓

月 日

△通候新交而卽別者

某某仁兄閣下。獲挹

芝顏。備聆

蘭誨。客途傾蓋。頓成莫逆之交。旅次賦詩。遽話陽關之別。

屈指。

文旌當回。

珂里謹泐魚書特申燕頌。弟緣他事耽誤旬餘。計將南旋。不料又爲舍親挽留。幫辦局務。大約須至明春始可再言旋歸也。知關

綺注。故特奉聞。倘蒙

賜教。希卽寄交舍親處。是荷。專此奉布。卽請
近安。

弟某某謹啓 月 日

△晤後致函奉候

某某仁兄閣下。自親

芝範。良慰葵忱。比維

台候清娛。

動○定○多○吉○允○孚○所○頌○弟○於○上○月○別○後○每○一○念○及○
執○事○之○宇○量○情○文○輒○覺○繫○懷○而○莫○釋○且○自○幸○愚○陋○無○狀○竟○
獲○仰○邀○

垂○青○感○激○之○私○更○有○非○楮○墨○所○可○形○容○者○惟○祈○此○後○
時○賜○教○言○發○蒙○祛○鄙○俾○可○資○以○遵○循○是○所○企○禱○專○此○奉○布○

敬請

近安。

弟某某謹啓

月 日

△擬謁先行奉候

某某先生閣下。遠隔

台階。良殷翹企。敬維

興居晉吉

潭第咸綏。爲頌爲慰。某栗碌如恆。乏嘉可述。春初本擬溯江而上。一謁

台端。旋因事阻。未克成行。近由某君某某。邀約同伴。前來貴處。調查某事。大約月初即可登程。屆時趨晤。傾談積愆。快何如之。叨在

舊契。特先奉聞。專此祇請

台安。

弟某某謹啓

月 日

△冬別春候

某某仁兄閣下。憶違

台。教。臘。雪。方。飛。彈。指。間。而。江。梅。隄。柳。漏。洩。春。光。矣。敬。維
潭。祺。集。慶。

履。福。增。新。至。爲。頌。慰。弟。塵。勞。舊。如。乏。善。可。陳。尙。幸。賤。體。粗
安。足。以。上。紓。

垂。念。目。下。某。系。破。壞。統。一。戰。事。復。行。開。端。在。恃。有。武。力。者。
爭。地。爭。城。以。圖。償。其。慾。望。而。我。輩。老。百。姓。之。生。命。財。產。
又。不。知。犧。牲。於。兵。禍。者。幾。何。

貴。處。於。軍。事。上。最。關。衝。要。現。在。地。方。情。形。究。竟。奚。若。尙。希
示。我。數。行。以。慰。懸。系。爲。盼。專。此。奉。布。卽。請
近。安。

弟某某謹啓 月 日

△春別夏候

某某仁兄閣下。殘春握別。離心與落絮交飛。殊令人不堪回首。曾幾何時。而夏葵又傾日矣。比諗。

履綦晉吉。

潭第增綏。爲頌爲慰。弟近狀如常。媿無可述。上月本擬至某處一行。順道趨謁。

台端藉談衷曲。乃以人事牽率。中止良覲。又不知在何日也。春初承

委代購某種物件。刻已辦到。由郵寄奉。至祈

檢收。并希

賜覆爲盼。專此奉布。敬請

台安。

弟某某謹啓 月 日

△夏別秋候

某某仁兄閣下。憶別。

芝。儀。時。方。初。夏。轉。瞬。而。金。風。瑟瑟。黃。葉。蕭。蕭。矣。比。維
順。時。納。福。

卽事多忤。定符鄙頌。弟如恆歷碌。自愧勞人。虛擲光陰。毫
無建樹。方之。

執事奚啻天淵未識。

愛我者何以教之。上月聞某某君述及。

台駕將臨此間。如有定期。務乞早日
示知。以便敬迓爲盼。專此奉布。祇請
近安。

弟某某謹啓

月

日

△秋別冬候

某某仁兄閣下。憶昔白雲紅葉偕音。

兄共話於風亭。月榭間。秋興殊覺不淺。乃駒光迅駛。轉瞬
而梅香破臘。春信又報南枝矣。比維

潭庭曼福。

履候延釐。無任欣頌。弟此間作客。自愧依人。家食難安。殊
非得已。所幸賤軀安適。足以告慰。

故人近聞

閣下創辦某項慈善事業。卓著成效。大爲社會所頌稱。遠
念

賢勞不勝景企。尙祈

惠示近狀。以慰拳拳。專此奉候。卽請

台安。諸希

愛答。

弟某某謹啓
月 日

△疏候道歉

某某仁兄閣下。自違

叔度。鄙吝復生。時序駸駸。忽更裘葛。比維

興居集嘏

潭府增祥。定符臆頌。弟。昕宵歷碌。自愧勞人。屢擬裁箋。通
候。輒以俗務紛投。因而中輟。疏忽之咎。實所難辭。自問
於衷。歉仄無似。刻聞

從者將有來茲之說。未知何時

命駕。益切驥瞻。尙祈

惠示數行。以便迎候爲盼。專此奉布。敬請

台安。諸惟

愛照不宣。

弟某某謹啓

月 日

△失迓道歉

某某仁兄閣下。闊別

音塵。時夢勞轂。雖郵簡往來。情愫不隔。究無解於饑渴之
忱。日前。

台從過此辱荷。

惠臨適弟因事赴杭。未能把晤。失迓之罪。諒邀

鑒原。惟是暮雲春樹。久切瞻思。乃不意

德輝遙賁。仍不能一圖良覲。其爲歉悵。曷可名言。俟及秋

初。弟擬返里一行。屆時定當順道趨謁。以紓茲積悃也。

專此敬頌

近祉。

弟某某謹啓 月 日

△覆候道歉

某某仁兄閣下。不親

光霽。數月於茲。方擬裁箋。乃蒙

先惠。就諗

因時納祐。

卽事多忻。無任快慰。弟塵累如恆。乏善可述。尙幸賤軀粗

健。足以上紓

注垂。惟所宵歷。碌瑣務。雜投久未。函候

起居。至爲抱歉。承

示下月望後。

駕蒞此間。約往某處一行。屆時弟當遵

命奉陪也。專此奉復。卽請

台安。

弟某某謹啓

月 日

△通候舊同事

某某仁兄閣下。相睽兩地。瞬已經年。每憶

清暉。不勝馳結。比諗

履祺集吉。

旅祉增綏。爲頌爲慰。弟自上年別後。熱仍因人。困羈塵勞。無狀可述。乃撫今溯昔。覺爾日意。合情投之。

雅誼。真令人惓惓不忘者。舊雨難逢。苔岑遙隔。感懷景

物。良。觀。何。時。想。

閣。下。亦。必。同。此。悵。悵。也。倘。蒙

不。棄。尙。祈

惠。賜。數。行。以。慰。懸。系。專。此。奉。候。敬。請

台。安。

弟某某謹啓

月

日

△通候舊居停

某某先生閣下。自違

台教。綿歷歲時。馳慕之忱。無時或釋。敬維

泰躬輯豫。

熙履延釐。爲頌且慰。某溯睽

雅範以來一切尙稱安妥。惟自愧襪線之才。早荷垂青之雅。五中銘鏤。不知報稱於何時。况及今迴憶。愈覺前塵昔夢。莫可追尋。雖人生之離合無端。而賓主之感。情常在。引瞻。

左右良用悵然。倘蒙

不棄。尙祈

公餘賜教。以慰拳拳。專此奉候。祇請

台安。統惟

垂警。不莊。

某某謹啓

月 日

△詢問類

△函詢地方共匪之情形

某某仁兄閣下。一從睽

教。月瑄頻更。比惟

履。祉。多。嘉。至。以。爲。頌。茲。啓。者。昨。閱。報。載。我。鄉。共。匪。又。復。蠶。起。某。某。兩。鎮。均。被。燒。殺。驚。悉。之。下。痛。歎。莫。名。弟。雖。挈。眷。僑。寓。此。間。而。該。兩。鎮。之。親。友。遭。此。慘。劫。不。知。生。命。有。無。妨。害。財。產。曾。否。犧。牲。至。爲。焦。系。吾

兄。相。距。不。遠。探。訪。較。詳。務。祈

賜我數行俾悉情形。是所禱盼。專此卽請

台安。

弟某某謹啓

月 日

△函詢土豪劣紳之真相

某某仁兄閣下。積月未挹

音譚。願言曷已。比維

起居曼福。爲頌爲慰。茲啓者。近聞我縣黨部對於各鄉之
土豪劣紳。現擬逐一打倒。在紳豪平日作福作威。迫壓
以衆。固有應得之罪。但不加審別。卽行一網打盡。則無
士不豪。無紳不劣。其中未免有含冤莫白者。故交如某
某兩君。素爲鄉人所信服。不知亦遭池魚之殃。否祈卽

示悉真相爲盼。專此卽請

台安。

弟某某謹啓

月

日

△函詢打倒神像之風潮

某某仁兄閣下自睽

眉宇。恆切心儀。比維

履祉。緝延如頌。以慰。茲聞我鄉學界青年。於某日集合多人。將各處著名之寺廟神像。一律打毀。以致激成流血之風潮。在一般學子。方謂爲地方剷除迷信。實有功於民衆。豈知古物既有保存之條例。人民亦有信教之自由。苟不問是非。率性破壞。未有不遭阻力而生事變者。

惟當日情事。究竟如何。尙希

詳示一切爲盼。專此卽請

近安。

弟某某謹啓

月 日

△函詢厲禁煙賭之成效

某某仁兄閣下。久闕

音儀。宥疏函候。比維

動履。緝吉。式叶企私。日前某君來晤。述及政府嚴禁煙賭。以後我鄉被拘辦者。已有多人。特是煙窩賭場。此時雖不敢公開。豈能逐一偵悉其祕密。且此種不法之徒。向來皆具有伎倆。或臨時接洽而賄縱。或平日多恃有護。

符禁止云云。談何容易。弟對於烟賭之害人。固素所深惡痛絕者。不知厲禁迄今。究竟有無成效。尙祈

撥冗賜示爲盼。專此順請

台安。

弟某某謹啓

月 日

△函詢旅館價格及招待情形

某某仁兄閣下。遠違

雅度。夢寐爲勞。比維

履候多佳。

公私協吉。爲頌無量。弟株守家園。苦無聊賴。頃承某君某某薦至某處。襄辦某項職務。擬將家事摒擋就緒。卽行

束裝登程。惟某處居停素無一面。雖憑有八行介紹。未必遽可下榻安身。因念

閣下往來其地。業已有年。一切客寓內容。定當熟悉。敢祈詳示該處之旅館價目。及招待情形。俾得到時安頓。不致疎虞。至爲感幸。專此順請

台安。

弟某某謹啓 月 日

△詢問友人遷徙地址

某某仁兄閣下。遠違

左右。跡阻神馳。辰維

近祉增綏。定如所頌。弟上月卽擬函候

起。居。因。聞。

尊。府。業。已。遷。居。恐。作。書。無。從。投。遞。茲。適。有。某。友。返。鄉。之。便。

用。修。數。行。託。其。面。交。吾。

兄。乞。卽。將。地。址。

詳。示。俾。此。後。函。件。可。以。逕。寄。也。弟。現。粗。健。如。恆。合。家。均。好。

祈。勿。

垂。念。是。盼。專。此。敬。請。

台。安。

弟某某謹啓

月

日

△詢問友人何時回呈

某某仁兄閣下。違

教月餘。渴思何似。比維

起。居。佳。勝。爲。頌。爲。慰。茲。啓。者。我。邑。地。方。自。治。研。究。會。前。由。閣。下。熱。心。發。起。倉。猝。成。立。形。式。雖。已。粗。具。而。組。織。未。能。完。備。至。今。該。社。如。同。虛。設。並。無。自。治。研。究。之。可。言。務。希。閣。下。撥。冗。返。里。整。頓。一。切。以。期。實。事。求。是。而。力。促。進。行。好。在。交。通。甚。便。夕。發。可。以。夕。至。仰。瞻。

台旃。何日言旋。卽乞

示知。至爲禱盼。專此順請

台安。

弟某某謹啓

月 日

△詢友代購物品之價值

某某仁兄閣下憶自春間握別轉瞬忽已秋初矣每懷

風采無日不神馳

左右也卽維

履祺迪吉

旅祉增綏定如所頌茲啓者刻聞

貴處某廠新出一種華絲紗價廉物美頗合服用之宜擬

託閣下擇其花樣合時者代購兩疋以備舍間分用需價

若干希卽

賜示其款或卽撥付

府上抑匯寄

尊處并祈

裁奪。以便遵行。有費

清神容。當面謝。專此奉託。敬請

台安。

弟某某謹啓

月 日

△探問家鄉年歲豐歉

某某仁兄閣下。久疏函候。企念爲勞。辰維

台履增綏。

潭庭協吉。良如所頌。茲啓者。弟閱報載我鄉苦旱之情形。私衷不勝焦慮。蓋關於弟個人之租入者。猶小而關於地方養命之源者。甚大。究竟目下之現狀如何。將來之

歉收。奚若務乞。

詳示實情。以慰遠系。如果災象已成。確無希望。則弟前茲返里之說。當亦作罷論矣。專此奉布。敬請

台安。

弟某某謹啓

月

日

△奉詢友人之子已否訂婚

某某仁兄閣下。久違

台教。時切瞻思。比維

起居勝常。

公私順適。定符臆頌。茲啓者。弟有友人某君某某。曾見

令郎校中課藝。嘉賞不置。并云。世兄如未訂姻。當託

弟爲其小妹作伐。弟思某君家庭極其整肅。且聞渠小
妹肄業某校。成績頗優。如果由弟介紹完成。美滿姻緣。
亦一時之佳話也。倘蒙

許可。卽祈

惠賜復音。以便轉達。專此敬請

大安。

弟某某謹啓

月 日

△△請託類

△請人捐助慈善

某某先生閣下。達

教經年積思何已比維

行道有福。頌慰無量。茲啓者。我邑孤兒院創設以來。賴有同志諸人。勉盡義務。頗著成效。爲社會所贊稱。惟經費一層。並無的款。必須四處捐助。以備開支。現在正當困難之時。爲此印成捐冊。廣爲勸募。素仰閣下胞與。爲懷。對於地方慈善之事。志切進行。今特函陳一切。并附捐冊一本。如荷。

倡捐兼代

登高呼助。則拜。

使君之嘉惠於無窮矣。臨楮不勝待命之至。專此奉懇。敬

請

台安。

某某謹啓

月 日

△請友調解

某某仁兄閣下。不晤

大教。條忽旬餘。近想

履候多佳。爲慰。茲啓者。弟率直性成。於交際上恆疏檢點。

亦爲我

兄所素知。乃不圖。日前朋輩聚談。弟漫騁詞鋒。心中實無所。指。而某君竟自誤會。謂爲有意譏訾。勢難甘休。聞之。殊堪詫異。惟竊念弟與某君素無齟齬。今從無意中開。

罪。於。渠。與。其。緘。默。而。誤。傷。感。情。何。如。表。白。而。自。明。心。迹。
緣。此。特。請。我

兄。一。晤。某。君。代。爲。剖。解。疑。團。揭。開。雲。霧。以。免。妄。生。嫌。隙。之。
端。幸。何。如。之。有

費。清。神。容。當。面。謝。手。此。奉。懇。敬。請

台。安。

弟。某。某。謹。啓

月 日

△請人緩頰

某。某。先。生。閣。下。屢。思。走。謁。親。候

起。居。因。困。於。俗。冗。未。果。爲。悵。近。諗

履。祺。安。吉。定。如。所。頌。某。近。來。所。遇。多。乖。竟。如。衣。敗。絮。而。行。

荆。棘。動。遭。罣。礙。且。不。自。知。其。所。以。然。前。茲。敝。居。停。感。情。甚。佳。一。切。均。蒙。優。待。不。料。此。刻。意。態。忽。變。時。有。柄。鑿。之。情。形。探。厥。原。因。實。係。平。日。挾。嫌。者。飛。短。流。長。所。致。弟。爲。個。人。生。活。計。不。得。不。設。法。自。全。因。思。

閣下與敝居停素稱至好。用敢特求。

鼎力一爲疏通。俾不至無端見棄。則仰荷。

盛德。感戢無任。肅此奉懇。敬請。

台安。

某某謹啓

月 日

△請友作結婚司儀人

某某仁兄閣下。不親。

雅度。忽已旬餘。比諗。

近祉安佳。爲頌。弟因小兒婚期。在邇。瑣務冗煩。不克趨談。甚爲歉悵。茲擇於某日。假某氏花園。爲小兒與某女士結婚。惟舉行文明婚禮。必須秩序周詳。方免來賓之騰笑。敢乞。

執事於某某日。

賁臨禮堂。

指示儀節。俾有準則。而資遵循。并請將當日應用位次各

程式。先行。

詳細示知。以便預爲布置。無任感禱。肅此奉懇。敬請。

台安。

弟某某謹啓

月

日

△請人作證婚人

某某先生閣下。前聆

大教。快慰積衷。比想

道履安和。定符景仰。茲敬啓者。小兒某某。擇於是月某日。

與某某女士文明結婚。擬請

先生爲主嘉禮。以昭鄭重。忝在

愛末。想不以煩瀆見辭。除具柬恭請外。用再函達。務祈屆

時。

惠臨禮堂。

寵。頌。訓。語。以。資。證。守。而。定。婚。儀。不。勝。感。幸。之。至。專。肅。奉。懇。
敬頌

台祉。

某某謹啓

月

日

△請友作陪

某某仁兄閣下。多日未聆

塵談。想

起居健勝爲慰。茲啓者。敝友某君某某。由新都來此。小作
勾留。把晤之餘。述及往事。據云。與吾

兄亦曾一面。於前年。追溯鴻泥。頗爲景慕。弟擬於明日假
座某園。稍伸東道之情。敢屈

台。薰。光。陪。藉。以。暢。敘。好。在。彼。此。均。係。舊。雨。一。朝。邂逅。殆。非。偶。然。附。上。請。單。並。祈。

垂。眷。屆。時。務。望。

早。臨。爲。幸。手。肅。卽。請。

大。安。

弟。某某。謹。啓

月

日

△託訪親戚

某某仁兄閣下。自別。

芝。暉。久。疏。蘭。訊。屋。梁。落。月。引。企。爲。勞。比。維。

履。祉。延。綏。

旅。祺。增。吉。爲。頌。無。量。弟。近。狀。如。常。無。可。告。語。平。安。二。字。聊。

慰。

故。人。舍。親。某。某。前。曾。遊。幕。川。中。數。年。不。返。今。春。書。至。猶。云。初。夏。時。期。定。可。回。里。乃。嗣。是。音。問。不。通。且。聞。川。中。變。亂。相。尋。禍。福。無。從。揣。測。其。老。母。倚。閨。懸。盼。情。實。可。憫。因。思。吾

兄。此。刻。移。駐。蓉。城。調。查。較。易。爲。力。倘。荷。雲。情。代。爲。就。近。訪。探。或。可。得。其。踪。跡。叨。在。交。末。故。敢。瀆。煩。有。無。統。乞。示。知。同。深。感。泐。專。此。奉。託。敬。請。

台。安。

弟。某。某。謹。啓

月

日

△託訪姻事

某某仁兄閣下。久隔

音塵。時深勞結。比想

冲襟受祉。

卽事多忻。頌曷有極。弟歸里以來。雖覺風景依然。而親朋之歡與晤談者。咸相訝爲老大。輒不禁感慨。係之日昨。某君來舍。擬爲小兒議婚。某姓其美意。固不容却。且向平之願。亦以早了爲是。惟某君與弟。僅係泛泛之交。某姓亦未知其家世。奚若據云住址與

潭第鄰近吾

兄。倘。悉。其。梗。概。尚。乞。

從。實。示。知。是。所。至。禱。專。此。奉。託。敬。請。

台。安。并。希。

賜。覆。

弟某某謹啓

月 日

△託友爲女擇婿

某某仁兄閣下。自別

台。暉。時。深。積。慕。辰。維

潭。庭。多。福。

履。候。增。綏。是。所。忭。頌。弟。近。來。狀。况。尚。幸。順。平。惟。自。念。年。力。

就。衰。擬。早。了。向。平。之。願。現。有。小。女。年。已。及。笄。尚。未。許。字。

雖屢有戚好來爲媒說乃細加詢訪求一佳子弟殊不易得因思我

兄交遊既廣鑒別又精敢乞

隨時留意如有好學青年而家世清白將來能自立者卽懇

俯賜執柯叨在至交諒荷

允許玉成也專此奉託順請

近安

弟某某謹啓

月 日

△託友爲子擇婦

某某仁兄閣下自違

台教。忽又月餘。每念

起居。至爲悵仰。茲有懇者。小兒某某。頃在某校畢業。將來或可稍有希望。惟年已弱冠。迄今尙延未授室。用特懇託。

閣下代爲物色。祇須性情純淑。能持家政者。卽爲合格。其他並無奢望。倘

閣下親友中。如有可以擇配之女子。卽祈俯賜執柯。恃

愛。請求。希勿以冒瀆

見辭爲幸。專此奉託。敬頌

近祉

弟某某謹啓

月 日

△託置房屋

某某仁兄閣下。不通尺素者數月。思念之深。與時俱積矣。比
想

興居康勝。

潭第安佳。欣頌無極。茲啓者。弟年來節省開支。薄有積蓄。
擬爲未雨綢繆之計。遂蹈求田問舍之譏。吾邑如有相
當房屋。尙祈我

兄代爲留心。以便及時購置。好在弟意並不求其華美。祇
須空氣清暢。卽依山面水。近郭之處。亦佳。果能如願。以

償。則。他。年。歸。休。梓。里。歲。時。伏。臘。得。與。舊。日。朋。輩。把。酒。言。歡。至。足。樂。也。專。此。奉。託。敬。請。

台安。

弟某某謹啓

月 日

△託覓古董

某某仁兄左右。久未函候。馳念殊殷。比維

餐衛咸宜。爲頌爲慰。茲啓者。近聞北平時有前清內府古

董物件。出現於肆。華人不甚關心。輒爲碧眼兒。木屐商

以賤價購之而去。至爲可惜。此後遇有書畫磁銅等舊

物。價苟相宜。務乞

代爲留意。弟非有餘力。以爲此舉。不過欲於明窗淨几旁。

安。排。數。事。時。一。披。覽。時。一。摩。挲。不。特。饒。有。古。趣。且。可。盡。
區。區。保。存。國。粹。之。心。惟。質。鼎。孔。多。尙。祈。

詳。加。評。鑒。爲。幸。專。此。奉。託。卽。請。

台。安。

弟某某謹啓 月 日

△託友代求書畫

某某仁兄閣下久違

芝。宇。時。切。葭。思。比。維。

起。居。健。勝。慰。如。所。頌。茲。啓。者。弟。生。平。別。無。嗜。好。惟。對。於。有。
名。書。畫。未。脫。書。生。習。氣。偶。一。見。之。不。惜。輾。轉。請。求。必。償。
私。願。而。後。快。日。前。過。友。人。齋。頭。見。懸。有。某。君。某。某。所。書。

屏聯如渾金璞玉。逼真石庵某君某某所繪花卉立幅。姿勢生動。不讓南田。知爲必傳之作。實深健羨。頃探悉二君均與吾

兄爲莫逆交。不勝狂喜。用特奉上賤紙若干幅。務乞鼎力並爲代求。魚與熊掌。竟思兼得。自知貪心過甚。然以高渤海之神勇。當不難一射雙雕也。專此奉託。敬請台安。

弟某某謹啓

月 日

△託人代解糾葛

某某仁兄閣下。睽違

左右。迹阻神馳。辰維

履祺時懋

潭福日增。爲頌爲慰。茲啓者。頃聞某某兄弟。因析產稍有參差。遂各聽信讒言。互相爭執。我輩公親。若不早爲解排。勢必糾葛愈滋。大傷手足之情誼。弟緣事羈絆。不能來作調人。私衷至爲歉悵。因思我

兄亦係公戚。相距祇半日路程。務祈

出爲魯連秉公處斷。令兩方均相退讓。以息爭端。是所切禱。某某兄弟處。弟另有函去知照。并略具勸釋之意。事經我

兄解決後。尙希

賜示。下慰拳拳。專此奉託。順請

近安。

弟某某謹啓

月 日

△託友代請醫生

某某仁兄閣下。不聆

塵教。匝月於茲。

室邇人遙。時深渴望。弟於前日。忽遭河魚之疾。委頓床第。煩苦莫名。家人延請西醫。毫未見效。茲悉某某先生。青囊妙術。名重一時。聞

閣下與伊素相知。交懇卽

費神。代爲邀請。臨舍俾呻吟者得起。沈疴則感激靡旣矣。

手此奉託敬頌

台社。

弟某某謹啓 月 日

△△推薦類

△薦僕從

某某仁兄閣下。久睽

眉宇。恆切心儀。比維

動定多宜。如頌爲慰。茲有僕人某某。秉性樸誠。略識文字。向在弟處服役有年。勤慎耐勞。能盡職務。現復出謀餽口。而此刻人浮於事。安插爲難。因思

尊。處。局。面。寬。大。必。多。需。指。使。之。人。特。令。趨。叩。

階。前。聽。供。驅。策。務。望。

推。情。收。錄。俾。獲。借。棲。而。荷。屋。烏。之。

愛。斷。無。不。舞。以。貽。野。鶴。之。譏。也。專。此。奉。懇。敬。請。

台。安。

弟某某謹啓

月

日

△薦庖人

某某仁兄閣下久闊

芝輝。彌殷葭溯。近想

履綦佳暢。定洽頌私。茲有庖人某某。前在某君處司廚。頗

工烹飪。弟屢嘗其異味。輒稱爲當世之易牙。現因某君

攜眷歸里而渠亦挾技無事亟圖枝棲因思

尊處座上賓多肆筵排日講求治具必需佳庖因特予以

一函令其趨叩

台端聽供刀七

尊意當否請

試用以定辭留可也手肅順請

近安。

弟某某謹啓

月

日

△薦園丁

某某仁兄惠鑒前趨

左右適值

公出。昨辱

惠臨。又失迎候。悵歎奚如。今晨忽有園丁某某來見。託爲
餽口之謀。本擬面薦。

台端俾得一枝。可借。奈因俗冗。不果。用特予以一函。令伊
親叩。

階前聽供役。使其人工於園藝。誠樸耐勞。如荷
推愛錄收。必能盡其所長。以圖報稱。

合意與否。容日弟當走訪也。專此奉懇。敬頌
台祉。

弟某某謹啓
月 日

△薦茶房

某某仁兄閣下。近睽

光霽。杼軸時勞。比維

履福日增。至爲慰忭。頃聞

尊處茶房一役。亟需替人。弟有舊僕某某。勤謹可恃。近以無所事事。迫覓枝棲。若以充當茶房。必能盡職。用特薦之。

尊處聽服。雜差如蒙

俯允錄收。當卽令其趨前。效用可否之處。竚候

環雲。專此布意。敬請

台安。

弟某某謹啓
月 日

△薦抄胥

某某仁兄閣下。不聆

塵教。忽已兼旬。想

著述宏富。

道履嘉勝。如頌爲慰。拙稿承

訂譌。數處深佩。

精思已亟。照另謄。俟歲事再行呈

政。昨有友人自故鄉來。善於書法。工而且速。

尊處抄寫之事。如仍需人。當卽介紹。

台端以供備書一役。倘蒙

推情錄用薪金聽便
酌予是否祈

賜覆音爲禱專此順請

近安

弟某某謹啓 月 日

△薦律師

某某仁兄惠鑒。多日不親

音采。思臆正殷。乃頃晤某君。始悉我

兄與某姓房產糾葛一事。無從調解。勢必取決於官廳。弟
意此事如有可以讓步之處。尙望我

兄和平了結。以省起訴手續之煩。倘不得已。而出於訟。應

用。律。師。必。須。早。爲。物。色。弟。有。素。交。某。君。係。法。律。專。家。歷。辦。民。刑。案。件。無。不。左。操。勝。券。且。費。用。亦。不。過。鉅。

尊事如若需用其人。卽祈及早

示知。以便訂期相晤。商定進行。專此敬頌

台祉。

弟某某謹啓

月

日

△薦會計

某某仁兄閣下久聞

光儀。彌殷企念。比維

履祉安和。至爲欣頌。茲啓者。頃聞

閣下經辦之某某會所。需用會計。尙未得人。弟有敝友某

君某某素以廉隅自飭。絕無嗜好。寫算亦復精明。今擬薦之尊處。當可力圖報稱。倘蒙

許可。弟當另覓殷實商號擔保。事關團體。必不使關下一人爲難也。是否卽乞

賜覆是盼。專此順請

台安。

弟某某謹啓

月 日

△薦書記

某某仁兄閣下。不晤

大教。忽忽月餘。一日三秋。思何能已。近諗

起居安適。公私勝常。爲頌爲念。茲啓者。昨晤某君某某。知

尊處現擬添一書記幫理文牘。尙未得人。弟有敝友某君。某某向在某處襄辦筆墨。頗能曲折。一如人意。其人亦和藹可親。毫無脾氣。現正閑居。擬圖枝借。倘蒙推愛。延訂弟當囑卽束裝來。前俾任職務。倘有他虞。均可由弟擔保。是否卽祈賜覆爲盼。專此奉布。敬請

台安。

弟某某謹啓

月

日

△薦西醫

某某仁兄惠鑒。旬餘未遑趨候。不知近日貴恙。曾能起色否。至爲懸念。吾

兄平日談及治療技術恆趨重於中醫。蓋見夫擁有微資者。偶然感冒所延醫士。非泰西卽東洋。醫資藥費。恆千百倍於中國。而其人是否名家。抑亦市上懸壺者。流實難確。悉此誠不可不慎。重出之。惟

閣下之病。中醫如難見效。似不妨權延西醫一試。現有某君某某。曾經留學外國醫院。頗有經驗。於中國醫理亦多心得處。弟擬作曹邱如荷。

贊成。當爲延致。好在某君醫金。可以隨意奉送。並不較量也。專此布意。敬請

痊安。

弟某某謹啓

月 日

△薦畫工

某某仁兄大鑒。久疏

台教。企念殊殷。近維

動止咸宜。爲頌。弟昨晤某君某某。得悉

執事組織某某舞臺。將次成立。并聞需用之各種佈景油

畫。擬倩日人包辦。因索價過昂。尙議而未就。鄙意以爲

區區美術。似不必求之日人。以致我國金錢外溢。而爲

漏卮之一端。茲有某君某某。於此道向推能手。所繪山

水風景。頗有尺幅千里之勢。試觀某處畫片。卽可知其

成績也。倘蒙

推愛。

允予接洽。當卽屬其趨謁
台端。面議一切。是否務祈
惠復是盼。專此順請
近安。

弟某某謹啓
月 日

△薦工程師

某某仁兄閣下。日前接奉

惠畢。承

託代覓中國工程師。足見

閣下注重我國人才之盛意。蓋建築技能。中法不及西法。

固無庸諱言。然通商各埠。曾有耳濡目染。積漸成爲專家者。亦有留學外洋。畢業於工科者。苟能注意羅致。此中固大有人在。何必虛糜倍蓰之辛金。以延聘外人。而仰其鼻息也。弟現有同鄉某某者。承辦工程多處。甚有閱歷。以之應

命。或可勝任而愉快。昨已函約於某某日趨謁

台端。親承

指示。倘蒙

推情錄用。應需保證。照章遵辦可也。專此奉覆。敬頌

近祉。

弟某某敬啓

月 日